

棗林外索

棠林外索

鹽官築造橋木輯

曹操

曹操有發兵中郎

摸

金枝尉二官

南齊廢帝于棠亦置之頌

於建安王休仁山陽王休祐

魏武垣取行何以銷憂惟有杜

康註康字仲寧

銅雀臺

銅雀臺鄴城西北則米井臺南則金鳳臺三臺相去各六十  
里後魏臺俱燬土人掘地得瓦色頗青內平瑩印工人姓名皆  
八分隸書所錯云人得此瓦為所勝水數日不涸鄴中記曰北

齊起鄆南城屋瓦皆以胡桃油之光明不癯簡瓦用其覆故

其背版瓦用在仰故油其面簡瓦長二尺濶一尺版瓦之長如

之而其濶 今得其真者當油傷必有細紋俗曰琴紋有白

花錫花傳言當時以黃丹鉛錫和泥積歲久而錫花乃見右磚

大者方四尺上有盤花爲數紋千秋萬歲字其紀年非天寶則

興和蓋東魏北齊也又有磚筒者花紋年號如磚內負外方承

簷溜亦可爲硯鄆人有言曰銅雀瓦研體質細潤而堅如石不

廢筆而發墨此古所重者而今絕無蓋魏去今千餘年村夫

刮土求之聚衆踰年不得鄆民乃偽造以詒遠方王安石詩曰

吹盡西陵歌舞塵當時屋瓦始稱珍甄陶往々成今手尚北塵

名動世人宋刺史李琮嘗言元豐初於丹陽邵不疑家得唐丙  
中歲元次山家藏鄴城古磚背有花紋及萬歲字與鄴中記合  
又曰大魏興和二年造則唐賢所珍已出於南矣唐丙申乃天  
寶末年至琮時二百餘載而硯可用如新偽瓦之質燥用之不  
能久火力勝也夫甄陶之物土以爲質水以和之必得火而成  
火力方勝則土燥而木絕雖有黃丹鉛錫爲能潤澤哉惟古瓦  
興磚沒地中數百年感霜露風雨之潤既久火力已絕復受水  
氣所以含蓄潤澤而寶水發墨也 臨漳縣志

### 山陽公

魏奉漢獻帝爲山陽公居濁鹿城在今懷慶修武城西北六十

里一名山陽城帝後塋城北人呼漢陵今以名村

### 疑塚

臨漳縣西十五里隆陽

講

武城外凡七十二處森然彌望高者

如小山布列直至磁州而止俗曰曹氏疑塚唐蕭米屋詩安排

死去千家塚刻畫生前一片心安得此心如此塚不教人識到

於今俞應符詩二首生前欺天絕漢魏死後欺人該疑塚人生

用智死即休何用餘機到丘壠人言疑塚我不疑我有一法君

未知盡發七十二疑塚必有一塚藏君屍劉溫詩生前詐力蓋

中州死後何疑七十五他日鼎分重裨徒也頃認取漢春秋彭

劉詩二章金棺何處壅奸欺銅雀臺中夜々思不作子孫長久

計空數百里塚：西陵千載有餘哀。永泰黃時詔正來，明日  
卽郭城下過。何留殘汨予，藁臺宋王安石詩：青山如浪入漳州。  
銅雀臺西八九丘，蟻蟻往還空壠臥麒麟。埋沒幾春秋，京鏗詩。  
疑塚多留七十餘，孫身自謂永亡虞。不知三馬同槽夢，曾爲見  
孫遠慮無惜。鍾詩：曹瞞疑塚七十二，未必遺骸在此間。生自疑  
人疑，不得還留疑。而後看焦贛詩：復懷不計春妓竟，曹兗  
已成塵。就中只有漳河在，風浪於今愁殺人。曹操壘鄴城西北  
也。西從卽高平陸。

崔旆彰德府志曰：磁州漳河南北塚累，不絕大小殊狀。俗曰：曹氏疑塚，往者歲荒民盜發塚，皆有屍，其一爲解高陽王湛墓。

志見存

郡人教諭劉瑄曰疑塚之記載在志籍今古一律不辨其偽誠以訛傳訛胥墮阿瞞計中而不自知其非也瑄生斯地為斯民也一得之愚耿耿不寐已非一日茲特就正於有道可乎慨自嘉清八年饑饉太甚窮民發墓以就口寶州南諸塚發掘殆盡其間志石皆北齊高歡皇帝并宗室塚墓中省祭家尚有志刻一張曰王諱湜字頊達齊王第十三子也王既為齊則塚不可疑一也西陳村迤西四塚俗曰四牧塚其實齊王四妹塚也妹既為齊則塚不富疑二也三里堡南大路西側塚前碑石題曰公主夫額以公主則塚不必疑三也州之西側大塚俗人呼曰

天子塚實則齊王陵也夫塚為齊王則塚不待疑四也然則古  
今胥疑而不能由者一則失於無證而輕於信二則徂於聞見  
而其明三則若瞞之奸跡詭秘而難知也蓋據嘗發梁孝  
王塚破棺收金其心不正故於已事而故為之防其藏匿諷秘  
必有人所不知者也觀其道命之言宮人歌舞銅雀臺上以望  
吾陵則其言誠偽疑之在止未可諒也是則不知屍之所在固  
為不疑塚之七十有二果可疑乎否乎按南史高陽康携王  
送神武第十一子也其第十三子為華山王疑今志石稱齊王  
第十三子可訂史之誤



魏景初元年衛國李善家燕生巨穀若鶩高堂生曰此魏室之大異防鷹揚之臣於蕭牆之內其後宣帝起兵遂有魏室按乾國策宋康王之時有蒼生鱗音於城之陬使史占之曰小而生巨必伯天下康王大喜於是滅滕伐薛取淮北之地欲霸之連成故射天筮地新社稷而焚熾見伐於齊國亡

### 曹操廟

唐申屠子迪毀夷陵曹操廟

### 陳琳

陳孔璋居袁裁書則呼操為豺狼在魏掣檄則目紹為虺蛇亦在時君所命不得自專然文人之巨患也當務從容消息之顏氏家訓

鵲巢非利

魏文帝景初元年凌霄閣始構鵲巢其上帝以問高堂隆對曰  
詩云維鵲有巢維鳩居之今興起宮室而鵲來巢此宮室未成  
身不得居之象也於是帝改容動色 萬曆中平湖陸太宰先  
祚於 卜宅始立渠渠鵲太宰聞之不憚引詩為券後果如  
其言

詩綱

劉公幹贈五官中郎將詩昔我從元后整駕至南鄉過彼豐沛  
都與君共翱翔元后指曹操也至南鄉謂伐劉表之時豐沛都  
曹操譙郡也王從仲宣從軍詩云籌策運帷幄一由我聖君聖君

亦稱曹操也又曰竊慕負笈翁顧厲朽鈍姿是欲效伊尹負鼎  
於湯以伐桀也是時漢帝尚存而二子之言如此一日元后一  
曰聖君正與荀彧比曹操為高光同科或以公幹平視美人為  
不屈是不為知人之論叢書浪詩話

### 鬱林石

吳鬱林太守陸績泛海歸吳舟輕恐覆取巨石為裝績家吳郡  
委門內臨頓里之北石至今存弘治丙辰四月巡撫樊社移於  
公署曰廉石亭

### 妻甥女

孫休朱夫人朱據女休姊公主所生休妻其甥事同漢惠

龍川鄉父廟

龍川<sup>州</sup>宣撫司東一百七十里有魏將鄉父廟以代蜀嘗經此宋知州洪咨夔毀其廟更祀諸葛武侯告其民曰毋事仇讐而忘父母陰平道在陝西守禦軍民千戶所

西山僊童

周末陸處人喬順二子曰璋曰瑞師事仙人盧子恭於陸處山棲霞谷教以清冷之術服飛龍藥十年不飢與師白日飛舉故魏文詩曰西山何其高高二上無極上有兩僊童不飲亦不食

伯瑜

陳思王靈芝篇伯瑜年七十絺衣以娛親今人但知老萊之事

而不知伯翳 國學紀聞

洛神

晉江黃鳳翔曰洛神賦非感甄也寃哉陳思屬於危疑顧沛之會  
故感甄也天問曰胡羿射夫河伯而妻彼洛濱速遊賦曰騰告  
鸞鳥迎宓妃植自附屈原而不敢顯語託宋玉也

石人

觀蘇千秋竭五龍渠立一石人若腹若東西脇皆有記其略曰  
後當興工宜就西墳故書之於石以遺後賢古人不忍輕毀故  
渠并不欲掩作者之姓名蓋如此 陳繼儒太平清話

王祥

諸城縣孝子灣豆四五里清塋不涸嚴冬冰合惟中央二三尺不  
冰相傳王祥臥冰虜上有祠晉書王祥臨沂人今沂州王祥河  
一曰孝河州北二十五里有孝塚西威漢河孝感集安慶  
府望江縣南二里臥冰池祥嘗自臨沂挾母避地於此人慕而  
名之然雖極凍其中有人臥形  
郝經續後漢書以王祥為纂臣

### 管仲序兄格傳

按辰所稱鄉里劉太常者謂劉寔也漢撰格傳實特為太常顏川  
則實弟智也實智並以儒學為名無能言之世語稱寔傳稱猶  
不足以並何之流也又按格自說云本命在實則建安十五年

生也至正始九年應三十九而傳云三十六以正元三年卒應  
四十七傳云四十八皆為不相應也近有閻續伯者名續該微  
通物有良史風為天下補綴遺脫故按所聞列於篇左皆從受  
之於大人先哲足以信者爾取免虛誕之說云爾嘗受辰傳所謂  
劉太常者曰輅始見聞由於隣婦為卜亡牛云當在西面窮牆中  
將頭面向教婦人令視諸丘冢中果得牛婦人因以為藏已牛  
告官按驗乃知以術知故裝冀州遂聞焉又云路中小人失妻  
者教明旦於東陽城門中伺擔豚人牽與共聞具如其言豚逸  
走即共追之豚入人家突破主人驚婦從楚中出劉侯曰輅之  
卜此類甚多辰所載律十一二耳劉侯云辰孝廉才也中書全

史記玄龍輅卿里人云輅在田舍嘗候遠鄰主人惠失火輅卜  
教使明日於輅輅止伺富有角巾諸生駕牛故車必引留為設  
賓主此能消之即從輅戒諸生有急求去不聽遂留富宿意大  
不安以為圖己主人罷入生乃把刀出門倚兩薪積間側立假  
寐效有一小物直來過前如數手中持火以口吹之生驚舉刀  
斫正斷腰視之則狐自此生人不復有矣前長春太守陳承祐  
口受城門校尉華長駿語云昔其父為清河太守時召輅作吏  
輅與少小後與卿里迷如恩意常與同載周旋具知其事云諸  
要職三倍於傳辰既短才又年幾幼小又多在田舍故益不詳取  
仕宦至州主簿都從事大康之機物故輅又云輅卜亦不悉中



十得七八腹問其政略云理無差錯來卜者或言不足以宣事  
實政使爾華城門夫人者祝故司空涿郡盧公女也得疾連年  
不差華家時居西城下南鑿里中三底在其東南輅卜富有師  
從東方來自言能治便聽使之必得其力後無何有南征底賜  
富充甲卒來詣盧公占能治女郎公即表請留之專使其子將  
詣華氏療疾初用散藥後復用丸治尋有效即奏除賜名以補  
太醫又云隨輅父在剎曹時有治下老民補度者其晨行還見  
毛血人取鹿鹿來錯鹿告輅云為卦輅云此有盜者是汝東巷  
中第三家也汝徑往門前伺無人時取一瓦子密發其確屋東  
頭第七椽以瓦著下不過明日食時自送還汝其夜盜者父病

頭痛壯熱煩疼然亦來詣輅卜輅為發祟盜者具服輅全擔皮  
用藏還著故屬病當自愈乃密教展主往取又詭使復往如前  
舉標索瓦盜父病差又都尉治內史有失物者輅使明晨於寺  
門外看當逢一人使指天畫地舉手四向自當得之暮果獲於  
故處矣裴松之注

### 衛瑾壁玉

魏成熙初將軍衛瑾至成都得璧玉即各一枚文似成信而充  
闕之曰吾聞燕周言先主歸備其訓是也後主歸禪其訓授也  
今中撫軍名炎與之兆乎

### 羊祜碑

羊祜墮泪郡益州託健為李賜擬賜密之子

### 蔡襲

景獻羊皇后蔡邕甥女也羊祜亦邕外孫景獻皇后同產弟祜  
襲吳功將進爵乞以賜舅子襲襲詔封襲關內侯

### 鄧殷

鄧攸孫殷鍾會伐蜀召為主簿終中庶子

### 劉伶

中說劉伶作劉靈

### 品官占田

晉平吳後制品官占田之法第一品占五十頃第二品四十五頃

第三品四十頃第四品三十五頃第五品三十頃第六品二十  
五頃第七品二十頃第八品十五頃第九品十頃又各以品之  
高卑釐其稅屬

### 蒿里

陸機太山吟蒿里立有亭幽岑延萬鬼人死其魂拘于蒿里岑  
參詩東嶽前後塊北邙新舊骨華亭黃耳寺以犬得名詩話  
謂黃耳非犬也乃童僕名其地是也

### 阮籍

京師曹大家藏阮步兵詩一卷唐人所書與世所傳有數十首  
集中所無其一篇云我心曠兮陰羲和將欲冥揮袂撫長劍仰

視淳雲行雲間有立鵲抗首揚哀聲一飛冲青天墮世不載鳴  
安於鷦鷯徒翻：賦中庭又云嘉禾下成蹊東園捐龜李秋風  
吹蒼空落從此始繁 有憔悴堂上有荆杞驅馬舍之去：上  
西山趾一身不自保况復悲妻子凝霜被草野歲暮亦云已詩  
語皆類此非後人作明矣孔宋翰亦有本與此多同詩紀

### 洛陽舊火

元帝渡江洛陽人王姬妻李氏將洛陽舊火南渡自言受道祖  
母王氏傳此火并有遺書二十七卷臨終使行此火勿令斷絕  
火色甚赤異於四方病者持此火焚藥及灸諸病皆愈轉相以  
感官司禁不能止及李氏卒火亦滅人號其居曰聖火巷按古

者五時取五木以攻火使民不疾洛陽之火必出於异不自能  
獨病非必妖惑也 楊時可集

### 嵇康

裴松之曰按本傳云康以景元中坐事誅而子寶孫寶習鑒滿  
諸書皆云正元二年司馬文王反自樂嘉殺嵇康呂安蓋緣世

語云康欲舉兵應母丘儉故謂破儉便應殺康也其實不然山

濤為選官欲舉自代康書告絕事之明審者也按濤本傳濤始

以景元二年除吏部郎景元與正元相去七八年以濤行狀核

之如本傳為審又鍾會傳亦云會作司隸校尉時詳會作司隸

景元中也 嵇康無鬼論 唐蒲田林披茂以明經擢第授臨

汀郡曹掾郡多山鬼淫祠披著無鬼論晚氏

李氏六龍

李安令伯六子皆英雄奔逸號六龍

葛洪

葛洪嘗拜伏波將軍見莊韓韓疑

韓壽

陳寔以韓壽為掾每會關有异香乃外國所貢寔計武帝惟  
賜已嫌壽與女通乃以女妻壽郭子謂賈充者訛也

鍾離權

大將軍固處西征鍾離權充偏將軍虜賊亡兵潰權隱山學道

以仙名爲神仙通鑑

郭璞

嘉定州烏龍山下傳晉郭璞注爾雅於山有爾雅臺注成洗研於江江魚吞之盡黑至今稱黑頭魚每年春魚出清明日止其味甚佳

博物志

張華博物志唐殷文圭云華原書四百卷晉武帝刪爲十卷

綠珠

綠珠梧州博白縣<sup>西</sup>雙角山下梁氏女梁氏之居舊井存焉汲飲者必經美女里間以爲亡益遂鎮以巨石 太平廣記



秦女休

左延年秦女休行記時事也女休年十四五爲燕王婦爲宗報仇殺人都市竟以赦宥得免

桃葉歌

桃葉王叔之愛妾也其妹曰桃根詞曰桃葉復桃葉桃葉連桃根

毛寶放龜

搜神記載豫州刺史毛寶戍郟城有一軍人於武昌市見人賣一白龜子長四五寸潔白可愛便買取持歸著甕中養之漸大至尺許軍人憐之持放江中後石季龍攻郟城毛寶棄豫州既

赴任江舟皆沉溺軍人墮水覺在一石上水截至腰頭更浮出  
中流視之乃是先所養白龜也可六七尺送至東岬出頭視人  
徐睇而去幽寔錄載亦同乃白乳大牯引搜神記直以為寶放  
龜而合璧諸書俱相承爾雅翼以毛寶過江白龜載之而度為  
異皆訛也晉書本傳和城之役毛寶溺死庾亮痛哭發疾而亮  
王隱晉書曰和城陷寶屍沉江不出戴祥移告河伯諸神使出  
寶屍十餘日乃出則如搜神記所言事禁軍人為不虞藝海  
詞酌

張翰秋風歌

秋風起兮佳景時吳江水兮鱸魚肥  
三千里外家未歸恨難得  
兮仰天悲

梅願增書

元帝時豫章內史梅願增伏生書二十五篇原二十八篇

梁山伯

梁山伯字處仁家會稽將學道逢祝氏子同往肄學三年祝先  
還後二年山伯方歸訪之上虞始知祝女子也名英臺山伯悵  
然歸告父母求姻而祝氏已許鄒城馬氏弗違山伯後為鄞令  
死葬鄒城西清道原明年祝遽馬氏過其墓風濤不能前英臺  
聞有山伯墓臨塚哀慟地裂而埋壁為事聞於朝丞相謝安奏  
封義婦塚寧波府志

鄞縣東十六里接待寺西祀梁山伯號忠義王廟

衛夫人

衛夫人名綵字茂濟晉江陰太守李矩妻善鍾法能正書八妙  
王逸少師之翰墨錄

黃鵠

石虎時楊州獻黃鵠雛五頭長一丈聲聞十里外注於玄武苑  
中玄武池化為玄龜水經

莫愁

莫愁石城女子非石頭城也石城在古復州郢中今之承天府  
是也且與襄陽估客同為一事五雜俎

王羲之

大城縣城西五里餘王相村古墓居民竊啟見五色石柳上有  
王羲之字迹掩之

### 蘭亭

唐何延之記蘭亭四十有一人內有支道林宋孝龍眠作圖除  
去亦不損前數又不知今所增一人為誰也 爾璘息園存稿

### 鳩摩羅什

鳩摩羅什但能精通術數博極羣書儒中之子雲後先也謂之  
成佛作祖吾則不敢什父雖宏修行不遂為禁癰所逼已墮落  
矣至什而復蹈其轍焉雖云彼偏亦由欲障未除升座講經之  
際二見登肩神識未定鬼瞰之矣既生二子何患法種亡嗣故

女十人之書不亦可以已乎臨終之時誦神咒自救未及致力轉覺危殆其虜生死之際非能脫然無罣碍者尚在安佛圖澄之後乎 謝肇淅

謝安別墅

褚叔度請謝安別墅爲寺

兩戲馬臺

劉澄之山川古今志彭城西南有戲馬臺劉裕九日所登 水經漢陽虎每藉武于漳水上即升臺以望之

許真君

神仙之跡未有如許氏之盛而亦未有如許氏之不相蒙者陶

貞白極重真誥真誥稱許穆與兄揆次兄虎牙子玉斧門客楊

義俱為仙官而義穆家貴中有許邁與穆二書貞白所著許長

史碑穆世名誼仕至護軍長史散騎常侍卒年七十二揆世名

此希牙名聯皆得道又云第四兄字逸游永和四年嘉遁不返

然不言得道晉書許邁傳字叔玄一名快句容人後云玄字逸

游與王右軍善避名山不知所終好道者謂之羽化然不為誼作傳

亦不及其仙事而今世所崇奉許真君者名遜據列仙傳為遠

游弟嘗與郭景純俱參王敦軍切諫敦解兵景純被害而真君

隱去以陰功重仙品最高為九天採訪使真誥又略不及晉史既非

隱書真誥亦非真文貞白與真君俱赫赫著何以不相

及也右軍有重慶腫至一帖黃表唐楊用修遂引以欺晉史謂  
玄度寔病死乃云服巨勝仙去不知玄度乃許詢非邁也續晉  
陽秋曰詢字玄度高陽人風情簡素辟司徒掾不就早卒世號  
風梅之晉史不為詢作傳僅附孫綽傳亦無服巨勝語此皆不  
可曉者按史以載事仙釋出世業在事外非可以示民政以佛  
國證羅什之神僧而僅列之於藝術况羽化尸解滋味難徵著  
乎晉書之不詳許氏也真悔真誥雖曰真文忠所志神仙官職  
太涉於有似巫覡之誣亦何可據以爲寔際

王世貞色香

許真君傳晉書不載其仙跡甚著初生南昌母夫人夢金鳳邇  
珠墜掌中既長博學多通關西安吳猛得至人丁義神方乃師



之太康元年為西蜀旌陽令治行甚著以世亂棄官歸邑民隨  
至宅改氏族以從者甚眾號許家營為與吳猛將嵩陽聞丹陽  
黃堂靖有女師誡姆多道術同往叩姆曰昔莽弟王自上清降  
曲阜蘭公家謂蘭曰後晉代當有許遜傳吾道留金寶經與我  
後子有年遂擇日設壇授之謂吳猛君當反師許也姆因取香  
第一根南向擲曰子歸認茅路房之吾祠歲秋可一至二君還  
得飛茅迹於所居南四十里已叢生矣乃建黃堂祠真君渡小  
蜀江抵肆主人朱次貧而甚恭真君畫一松于壁其家遂倍得  
利後江漲潰隄市舍俱漂惟松壁不壞書云吾仙去後一千二  
百四十年間據章之境五陵之當此地仙八百江心忽生沙洲

掩過沙井口其時也真君弟子教百志趣不一乃化炭為美婦  
人試之不發汚者惟十人爾真君歸郡有美少年通謁既去謂  
弟子姦非人老蛟精也迹其所之遷化黃牛隱郡城沙磧上真  
君剪然化黑牛往關今施岑劉持劍侯其關酣揮之中其左肢  
牛奔城南井中瀕化為人初蛟慕賈玉女化少年入賈玉家玉  
大愛其才因贅為婿居數歲生二子常以春夏獨出若營賈者  
至秋重載歸寶貨充溢舟蓋覆所獲也是秋徙還詔玉六白為盜傷  
左肢王歎惋求醫真君乃為臣謁王王喜召其婿蛟精懼遂匿  
真君隨至其堂厲聲叱之乃見本形跪堂下二子皆為小蛟  
併斬之賈女亦裁愛形真君給以真符乃免謂王曰蛟精所居

下皆洪波也。亟遷高原其宅不日陷為宅。澤真君復還豫章曰：此地蛟螭所穴，須鎮之。乃於牙城南鑄鐵為柱，出井外教天下施八索鈎鎖地脈。祝之曰：若鐵柱立，其妖再興，吾當復出。若鐵柱立，正其妖，永除由是。屏跡王敦舉內，向真君。同吳猛往，說止之。敦怒，真君乃舉杯擲起，化為白鶴。敦方舉目以失二君所在。至孝武寧康二年甲戌八月朔，日上昇年一百三十六歲。嘗謂星下散為物，人上昇為仙。氣推移不足為恠，即道家所藏。真君昇舉事，抑何疊々。至其教人，惟以忠孝廉謹寬裕容忍為八寶。與吾道何殊？記曰：清明在躬，志氣如神。天降時雨，山川出雲。人心湛然無滓，即太虛亦復何遠？豈必談鉛汞，求吾讀真君傳，有悟因。

錄其竄昇者又道家戴旌揚得道後帝贈其遠祖許由王廙僕  
射曾祖琰太微兵衛大夫祖王太極把掌錄籍典者父爾中岳  
仙官嗟乎武仲逃免後復有此贈未知復逃避否此與後宅事  
恐盡出附會未可遽以為寔也 馮時可藝海詞酌

許旌陽問道於女師湛母曰一念不欺為忠一事不苟為孝

### 孫恩商黨

晉末妖賊孫恩作亂於會稽宋高祖劉裕為司馬討敗之恩於  
臨海投水死眾推恩妹夫盧循為主後劉裕破循於東陽循奔  
永嘉復追破之追討至於晉安循浮海南走晉末雖城遺種逃  
叛散居山海屬尚繁唐武德八年都督義重遣使招撫得其

首領周造細麦陵等並授騎都尉令相統攝不為寇盜貞觀十  
年始輸半<sup>舞</sup>其居止常在船上蒸結廬海岸隨時移徙不常舫  
後尾夫高當中平澗衛波逆浪都無畏懼名了烏舫 閩書  
寰宇風俗記衆即即此州夷戶亦曰游艇子

### 桃源漁人

桃源漁人姓黃名道真

### 陶潛

陶潛潯陽柴桑人號五柳先生今德化縣之楚城鄉也楚城鄉西南八  
十里正德九年提學副使李夢陽得斷碑曰晉陶靖節先生故  
里始得其墓而陽山上京栗里西廬等處相去直三十里

有作陶淵明詩跋尾者言淵明讀山海經詩形夭無千歲猛志  
固存在竟莫曉其意後讀山海經形夭獸名也好啣千戚而舞  
乃知五字皆錯形夭是刑夭無千歲是舞千戚耳傳者誤謬如  
此不可不察也竹坡詩話

陶潛不仕宋所著詩文俱書甲子韓偓不仕梁所著詩文亦書  
甲子儉節行如潛而詩綺靡蓋所養不及耳薛西原曰立節行

易養性情難謝肇淩

蔡桑令

劉遺民曾為蔡桑令非陶淵也

外孫記外祖遺事

外孫記外祖遺事者陶淵明蘊子瞻朱元晦元俞好問

### 慧遠

耶舍與遠公會嘗舉如意無言以示遠之不悟即拂衣去徑上  
紫霄峰是時禪學未入中國而北則於此矣見王禪廬山記

### 白蓮社

廬山蓮社十八賢慧遠法師姓賈氏鴈門接頰人慧永姓繁氏  
河內人慧持遠公弟也與兄同事道安道生姓魏氏巨野人嘗  
居彭城佛陀耶舍尊者屬賓國婆羅門種佛陀跋陀羅尊者甘  
露飯王之裔慧叡冀州人曇順黃人遁敬珣瑯琊王氏祖凝之  
守江州曇恒河東人曇昌姓陳氏潁州人曇詵廣陵人劉道民

名程之字仲思彭城聚里人楚元王之後雷次宗字仲倫南昌人宋炳字少文南陽人官任太子舍人張野字策民官任洛中張詮字青頌張野族周續字道祖陽門廣武人

慧遠年八十四晉義熙十三年秋八月六日見謝靈運錄序

王禕曰慧遠卒於晉義熙十二年丙辰年八十三陸修靜沒於宋元徽五年丙辰年七十二丙辰相去六十載推而上之修靜生義熙四年丁未慧遠亡時修靜才十歲爾至宋元嘉末修靜始來廬山時遠公亡且三十年墳節死亦二十餘年矣安取所謂三笑乎或曰晉蓋有兩修靜也宋隱跋匡廬社園十八賢道士陸修靜法師慧遠陶元亮畢願之遠公弟慧持僧跋陀宗少



文僧果順劉程之雷仲輪周道祖餘忘之劉程之蓮社文云歲  
攝提格七月戊辰朔二十八日己未慧遠命正信之士豫章以  
宗等百有二十三人集於廬山般若臺精舍修西方淨土之學  
今所盡止十八人取著名於時者也

### 西夷上表

常勝天子陛下諸佛世尊常樂安隱三達大通為世間道是名  
如來應供正覺遺形舍利造錯塔像莊嚴國土如須弥山村邑  
聚落次第羅匝城郭館宇如忉利天宮：殿高廣接闔莊嚴四  
兵具足能伏怨敵國土豐樂無諸患難奉承先生正法化導人  
民良善慶無不利屬雪山陰雪水流注百川流溢八味清靜周

匝曲屈順趨大海一切衆生咸得受用於諸國土殊勝第一是  
名震旦大宋賜鄣承嗣常勝大王之業德合天心仁應四海聖  
智周備化無不順雖人是天護世降生功德實藏大悲救世為  
我尊主常勝天子是故至誠五體敬祀呵羅華國王毗沙跋摩  
稽首問訊 宋文帝元嘉十年

大吉天子足下雖墜怒癡哀愁群生相好具足天龍神等恭敬  
供養世尊威德身光明照如水月中月如日初 間自蒙普照十  
方其白如雪亦如月光清淨如華顏色光耀威儀殊勝普天龍  
神之所恭敬以正法寶梵行衆生莊嚴國土人民熾盛安隱快  
樂城闔高峻如巖化山衆多勇士守護北城闔莊嚴通巷平正

著禮之衣猶如天服于一切國為最勝吉楊州城無憂天主慈  
念群生安樂民人得儀清淨慈化源廣正臨殆化供奉三寶名  
稱遠至一切並聞民人樂見如月初生譬如梵王世界之主一  
切入天恭敬作禮呵羅單跋摩以頂禮足猶如現前以體布地  
如殿陛道供奉恭敬如奉世尊以頂着地曲躬問訊恭承先業  
嘉慶無量忽為惡子所見爭奪遂失本國今唯一心歸誠天子  
以自存命令遣毗細問訊大家意欲自往歸誠宣訴復畏大海  
風波不違命令得存亦由毗細此人忠志其恩難報此是大家  
國今為惡子所奪而見驅擄意頗忿惋現欲雪復伏願大家聽  
毗細買諸鎗仗袍襖及馬願為理毗細使得還前遣關和仙婆

羅呵蒙大家原賜慈悲予奪去啟大家使知今奉薄獻願金納  
受 元嘉十三年

宋國大主大吉天子足下敬禮一切種智安隱天人師降伏四  
魔成等正覺轉尊法輪度脫衆生教化已周入于涅槃舍利流  
布起無量塔聚寶莊嚴如須弥山經法流布如日照明無量淨  
僧猶如列宿國界廣大人民衆多宮殿城郭如忉利天宮名大  
宋揚州大國大吉天子安處其中紹繼先聖王有四海關浮提  
內莫不來服悉以莊水普飲一切我雖在遠亦當靈潤是以雖  
隔巨海常隨臣屬願照至誠哀納受若受聽許當年遣信若  
有所需惟命是獻伏願信受不生異想今遣使至佛大施婆利

使署抵奉宣徽忱稽首敬禮大吉天子足下跪婆所啟願見佳

受錯有所稽惟願賜聽今奉徽物以表微心

元嘉十二年閏婆  
婆達國王師黎婆

達陀阿  
羅跋摩

伏聞彼國城江傍海山川周圍衆妙悉備莊嚴清淨猶如化城

宮殿莊嚴街巷平坦人民充滿歡娛安樂聖王出時四海隨從

聖明仁愛不害衆生萬邦歸仰國富如海國中衆生奉順正法

文王仁聖化之以道慈施衆生無所遺惜帝修靜戒軌道不及

無上法能濟諸沉溺群僚百官受樂無怨諸天擁護萬神侍衛

天魔降伏莫不歸化王身莊嚴如日初出仁澤普潤福如大雪

聖賢承業如日月天於彼真丹家為殊勝臣之所住名迦毗河

東際于海其邊四邊悉紫紺石甬羅天護全國安隱國王相承  
未嘗斷絕國中人民率皆修善諸國來集并遵道法諸寺舍中  
皆七寶形像衆妙共具如先王法臣自修極不犯道禁臣名月  
愛棄世王權惟願大王聖躬和善群臣百官悉自安隱今以此  
國群臣吏民山川珍寶一切歸屬五赫提誠大王足下山海避  
隔無由朝覲宗仰之至遣使下承使主父名天魔悉達使主名  
尼陀達此人由來良善忠信是故今遣奉使表誠大王若有所  
須珍奇異物悉當奉送此之境土便是王國王之法今治國等  
道悉當承用願二國信使往來不絕比反使還願賜一使具宣  
聖命備勅所宜款至之誠望不空返所白如是願加哀愍奉獻

金剗指銀摩勒金鏤諸寶物赤白鸚鵡各一頭  
元嘉五年天竺迦毗羅國王月

右諸表俱文帝元嘉間頗似梵夾蓋涵濡象教語輒相類附  
以來漸被華風譯使紆指遂隔前製又趙宋元豐四年于闐國  
上表稱于闐國倭大福力量知文法黑汗王書與東方日出虜  
大世界田地主漢家所屬大官家敬和 年進玉表云日出東  
方赫々大光照見西方五百里圓五百里國內條貫主黑汗王  
表上日出東方赫々大光照見四天下四天下條貫主所屬大  
官家其可笑如此

南宋沈慶之與兄書登北山遠眺衆美都盡先武墳達者甚美  
今送其核

橋去洛陽宮六七里志用大石下負以通水可受大船過也制  
作奇狀絡水道路本好青槐映蔭可賞

千金隄舊堰穀水魏時更修謂之千金塢

陸雲臺上有幽井望之幽然按一石子擲之久方有聲  
石經大都其碑高丈一許廣四尺駢聯相接

### 鮑照

宋子京筆記云今人多鮑照為鮑昭誤李商隱有詩云漢東鮑照  
葵又金陵人得地中石刻作鮑照字昭子真詩話云景文殊不知



武后時諱照唐人因以昭名之事具昭祠堂記

井錦

南齊時荊州城東天子井出錦於時士女取用與常錦不異經  
月乃歇吳均齊春秋

齊梁紀錄並云出自蕭何又編御史大夫望之以為先祖之次  
按何及望之於漢俱為勲德而望之本傳不有此陳齊典所書  
便爭寔錄近秘書監顏師古博攷經籍注解漢書已正其非今  
隨而改刪云

水貢

湘鄉縣南荷泉井氣如椒蘭曝酒殊勝若舍以他水則度南齊

時有水貢民以為病罷之立浮屠其上

### 州民

孔稚圭答蕭司徒書其一云十一月二十九日州民御史中丞  
孔稚圭啓云州民即今治生也

### 沈麟士抄書

武康沈麟士好學藏書有書數千卷燬於火時年踰八十手自  
抄萬火下細書復成三千卷

### 玉兒玉奴

潘淑妃名玉兒唐楊貴妃名玉奴蘇子瞻詩玉奴終不負東昏

### 鍾山璿銘

梁任昉大同四年七月於鍾山壙中得銘曰龜言土著言水旬  
服黃鐘啟靈址瘞在三上庚陽過七十已六午三百浹辰交二  
九重三四百地當時莫能辨者昉之五世孫升之以授鄭欽鏡  
乃悟卜宅者庚墓之歲月日辰而識其墓地殆無一字闕散又  
毫厘不差也 沈作誥寓簡

### 昭明太子墓

昭明太子墓池州秀山門外銅陵天啟乙丑五月貴池孝夢韓  
君理 夢告以侵地事辛未赴銅陵教諭又屬夢遂復之

### 餘曠

梁元帝墓表云日在午曰亭在未曰曠王仲宣詩小岡有餘曠

謂日仄也 譚苑醍醐

陶籍

陶弘景子籍善詩為錢塘令政化如神

後梁春秋

江陵蔡允恭著後梁春秋十卷

明海鹽姚士舜著後梁春秋

白鼠

北魏宣武帝時洛陽縣獲白鼠散所常侍燕尚書盧昶按瑞典  
外鎮刺史二千石令長不秋上命刺暴百姓人民怨嗟則白鼠  
至因上表錄

白樓

朔州舊城內東北白樓郡志云後魏紂後秦嬖興之女達此望  
故園飾以鉛粉故名

後魏謚

後魏時青州俗置薄京師謚曰獄中無繫囚舍內無青州假令  
冢道惡腸中不懷愁

後魏石像

大同府城含和坊遼建華嚴寺奉安諸帝石像五銅像六內一  
銅像袈裟垂足而坐餘皆常服

地下受藏

魏崔淑死十二年為沙門發墓而活言死時年十五今乃二十  
也是死仍受藏也後魏寺塔記

### 劉暹

東魏劉暹乳昭上高歡書曰尼與優婆夷寔是僧之妻妾損胎  
殺子其狀難言今僧尼二百萬并俗女向有四百餘萬六月一  
損胎如是則年族二百萬戶矣驗此佛是瘦胎之兒也

### 張澹

西魏征南將軍鄆州張澹塚在冠軍政城有碑刻其背文曰白  
楸之棺易朽之裳銅鉄不入凡惡不藏嗟爾後人幸勿我傷宋  
元嘉中為盜所發獲金銀器甚多原曹魏今悞西魏

## 木蘭

冀州黃陂縣 隋木蘭縣北七十里 木蘭山有木蘭將軍塚廟曰

忠烈將軍蓋朱氏女代父西征 又歸德府城東南八十里有

孝烈將軍廟 完縣東孝烈將軍廟云木蘭女嘗代父戍守於

此唐封為孝烈將軍 一統志 木蘭西漢時人從征十八年帝

聞其事詔幼宮中蘭不從乃自經死帝驚憫贈將軍謚孝烈見

焉時可木蘭將軍贊 一云木蘭姓魏毫之熊人廟祭歲四月

八日蓋其生辰也 嚴滄溟曰木蘭歌朔風氣傳金柝寒光照

鐵衣酷似太白非漢魏人語左舜齋曰况有可汗大點兵之句

乃唐人無疑魏大武時柔然已弼可汗非始於唐也通篇較之

太由殊不相類 詩家直說

嚴滄浪詩話宋南歌文苑英華且作常元南名字郭茂倩樂府  
有兩篇其後篇乃元南所作也

晉末僭亂

趙劉元海據平陽三主二十五年 後趙石勒都襄國六主三  
十二年 燕慕容皝都蓟遼郡三主三十四年 秦苻堅都長  
安五主四十四年 後秦姚萇都長安三主三十四年 南凉  
秃髮烏枯據樂都遼西平三主十九年 北凉沮渠蒙遜據姑  
二主三十九年 南燕慕容德據廣固二主十二年 西秦乞  
伏國仁據苑川遼金城四主四十六年 後秦慕容垂據中山



鄴四主二十五年 夏赫連勃勃據朔方三主二十五年 後魏拓拔氏改姓元都雲中遷洛十六帝一百七十一年 北齊高氏都鄴五主二十七年 周宇文氏都長安五主二十六年 仙隱趙逸曰自永嘉以來二百餘年建國稱王者十有六君皆游其都邑目擊其事國滅之後觀其史書皆非實錄 伽藍記

### 前溪

于兢大唐傳朔州德清縣南前溪村則南朝集樂之處今尚有教百家習音樂江南聲伎多自此出所謂舞出前溪者也復齋漫錄言陳劉琨詩山邊歌落日池上舞前溪唐崔顥詩舞愛前溪錄歌翻子夜長按習匠古今樂錄晉車騎將軍沈玩作前溪

歌而非舞也蓋復齋不曾見于魏大唐傳故不知舞出前漢耳  
漁隱業諸舞歌以地著猶今曲之高海錄腔也元徽南楊氏有  
提舉家僮數百指教以新聲傾聽一瞻 明初楊氏坐法戍雲  
南梨園粗其聲不衰亦前漢之例也

### 中說元經

文中子謂文士之可斤見謝靈運小人哉其文傲君子則謹沈休  
文小人哉其文治君子則典範江淹古之稱者也其文急以  
怨吳筠孔璋古之狂者也其文恠以憑謝莊王融古之橫人也  
其文碎徐陵庾信古之夸人也其文誕或問孝綽兄弟子曰鄙  
人也其文淫或問顏東王兄弟子曰庸人也其文繁謝朓沈

也其文提江總譏人也其文虛子謂顏延之王儉任時有君子之心爲其文約以則

元經天子之史也書帝正月非也程子微言

元經始帝晉辛校觀明天命之有在晉宋齊梁陳亡中國之無人卓然於明通而其書不傳今元經存殊駁野蓋偽書出史

### 墨蹟

五代陳世祖時征北軍人於丹徒盜發晉都墨墓大獲晉石符軍王羲之書及諸名賢遺跡事覺其書並沒縣官藏於秘府世祖以子伯茂好學多以賜之

### 陳後主子

福建永春縣陳巖山王應廟祀威應侯陳後主叔寶三人長曰  
鏡臺翁李曰易簡高御史中丞侯居中名不傳少習兵法為將  
豪征南趙擊醜虜有功隋既平陳侯兄弟三人引兵南奔據桃  
林塲之肥湖後隋帝有旨令鏡臺釋兵命有司四時祭其父祖  
其編籍為民與其兄弟分居三所鏡臺翁居肥湖之瑞峯易簡  
居慕仁里溪西而侯隱東岩峭峰歲時挈輦秣馬往還桃源間  
一夕魁桃源驛東偏留弓劍後遂著靈應鄉民即地祀之按  
陳書後主二十二男皇太子暕會稽王莊吳興王儋南平王琑  
永嘉王彥邵陵王琑南海王虔錢塘王恪信義王祗東陽王恠  
邵王藩餘子十一人總觀明綱統中冷編碑威繹並未及封

諸王無一征南粵擊醜虜者且俱從入關安得南園而潛之也  
前見閩書頗異傳疑可也

### 景陽井銘

隋煬帝景陽井銘曰前中已覆後衆將沒

### 鼓山神鉦

武安縣南三十里鼓山上有二石如鼓形世傳鳴則兵起故名  
神鉦高齊之末此鼓高齊亡隋末鼓聲聞數百里隋亡又云中  
有竹林寺五百羅漢所居隱而不見按齊志云文宣帝天保末  
年常使人往此寺取經函使者辭以不知帝曰卿取我賂賂衆  
之則自至矣使者如山果見一寺寺門有數僧相謂曰高洋賂

駝來也問使者曰爾天子使汝來何求曰帝命于寺東廊從北  
第一房取經函及尺八黃帕等僧共取與之後不復見至今山  
中居人時有聞其鐘聲及聞梵音者然皆莫知其處帝嘗自鄴  
都詣晉陽往來山下故起離宮以備巡幸於此山腹見數百聖  
僧行道遂開三石室刻諸尊像因建寺名石窟今常樂寺也見  
金宣奉大夫刑部尚書<sup>書明</sup>記中

### 石經

石經大學是魏政和中詔諸儒虞松等考正五經刻之於石而  
大學中庸行馬松表述賈逵之言曰孔伋窮居於宋懼先聖之  
學不明而帝王之道墜故作大學以經之中庸以緯之則學庸

皆予思所作至唐定十三經註疏多妄為改竄今人不見石經  
遂以唐為古本其實非也明皇既嘗鑒亂大學次序又刪去  
顏淵問仁五句孝經刪去閨門一章洪範亦改頤陟字審見明  
皇老子注云我獨異於人而責求食于母原無求于二字朕所  
加也蓋其妄每如此焦海園集

### 佛圖戶

魏獻文帝皇興三年令罪民及官奴為佛圖戶魏徙青齊民於  
平城桑乾僧曇曜奏其民有能輸粟六十斛入僧曹者即為僧  
祇戶粟為僧祇粟儼山巖饑民又靖民犯重罪及官奴為佛圖  
戶供諸寺洒掃並許之

周武帝時龜慈人曰蘇祇婆從突厥皇后入朝善胡琵琶聽其所奏一均之中間有七聲一旦婆陀力華言平聲即宮聲也二曰鷄識華言長聲即商聲也三曰沙識華言質直聲即角聲也四曰沙侯加臘華言應聲即徵聲也五曰沙暉華言應和聲即徵聲也六曰般嚕華言五聲即羽聲也七曰侯利達華言斛牛聲即變宮聲也譯因習而得之始得七聲之正

智者大師

智者大師書陀羅尼經四卷存天台山大悲寺後傳於慧明寺在縣東北宋時亡失僅留其一嘉靖間為兵寇譚倫取去今所六十里



存是宋元通法師補書者

白王

會稽山土神白王云隋煬帝手封於白故名魯王

丁堤

陳丁堤善事與智永齊名時謂丁真永草

隋堤

河間寧津縣北三十五里隋堤云隋煬帝巡遊駐蹕於此全軍  
士築堤如垣有居氏姓守道守義者進膳帝嘉之因以築堤賜  
名耿村土民或稱隋堤又稱耿家園

補隋忠臣

義寧二年泉州守洛陽歐陽佑官滿西歸至郡陽聞隋亡罕家  
自潯大乾山河中土人殮葬之郡人祠祀焉

### 宗室世系

唐書歐陽修宗室世系表云李氏出自瀛姓帝顓頊高陽氏生  
大業大業生女華女華生皋陶字庭堅為唐大理生益益生思  
成歷夏商周為大理以官命族諡謚曰益為皋陶子昔人嘗辨  
之矣

### 秦王山

豐潤縣東北二十里有山名不傳高可三里許無他木惟荆棗  
生世稱唐太宗為秦王時東征凱旋登山見荆乃愕然曰此吾

師曩時教我朴也遂下馬拜之刺背時下垂如人俯伏狀至今  
猶然石上有秦王下馬跡因名秦王山

### 牛口峪

臨城縣西二十五里牛口峪首有童謠曰竇入牛口勢不得久  
竇建德為唐兵所破走至此果被擒

### 高藏傳

唐初富妻集晉觀以來闡佛者作高藏傳

### 避錦

唐太宗諱世民偏傍犯如葉字作葉字祇字作祇字

### 劉黑闥

劉黑闥卜種植得九五飛龍卦以反叛至于蘇繆其時解者曰  
飛龍指唐太宗也明主高陽民人力耕供上即為利見大人之  
象黑闥不知自取冥行之為

### 薛仁果

薛仁果本薛仁果唐史誤以果為果見歐陽詢所書柳毅六馬  
贊云鴈白蹄烏平薛仁果時平

### 入闕儀

唐有大內又有大明宮在大內之東北世謂之東內高宗以後  
天子多在大明宮之正南門曰丹鳳門內第一殿曰含元殿大  
朝會則御之第二殿曰宣政殿謂之正衙相望大冊封則御之

第三殿曰紫宸殿謂之上閤亦曰內衙舊日常朝則御之天子  
坐朝頭立仗於正衙殿或乘輿正御紫宸殿即喚仗自宣政殿  
兩門入是謂東西閤門也以本朝宮殿視之宣德門唐丹鳳門  
也大慶殿唐含元殿也文德殿唐宣政殿也紫宸殿唐紫宸殿  
也今欲求入閤本意施于儀典須先立仗文德殿廷如天子正  
御紫宸殿即喚仗自東西閤門入如此則差與舊儀合但今之諸  
殿比於唐制南北不相對爾又按唐自中葉以還雙日及非時  
大臣奏事別開延英殿若今假日御崇和延和是也乃知唐制  
每御坐朝日即為入閤其後正衙立仗因而遂廢甚非禮也

宋  
蘇軾政事堂奏議

朝元閣

唐詩朝元閣上西風急都入長楊作雨聲喬禮書希大字為太  
常寺卿祀西岳為予言親歷其地其楊散佚猶在閣基之西非  
宮名也張志悔南園漫錄

鑄錢郡守

武德中鑄開元通寶錢，有蓋字則成蓋所鑄有潤字則丹陽  
所鑄餘倣此

直棘

魏鄭公微秋梁公仁傑張燕公說墓棘並不岐共以為異陳師  
道後山錄

龍毛

雞勝寺塔為龍所護側有三池莫測淺深三龍居之人莫能臨視貞觀十三年三龍大鬪雷霆震擊水火交飛久之乃息人皆拾得龍毛長三尺許黃赤可愛毛一作鬚佛藏梵字函

袁天綱題石

方士袁天綱見閬州錦屏山題其石曰此石唐城英靈乃絕

麻姑

麻姑姓黎字瓊仙唐放出宮人也 耕餘雜錄

諸陵

高祖徽陵三原縣東北十八里陪葬諸王十六公主一功臣六

太宗昭陵醴泉縣北九峻山陪塋諸王七公主二十一妃嬪八  
諸臣墓宰相房玄齡杜如晦魏徵馬周岑文本崔敦禮李勣李  
靖溫彥博蕭瑀高士廉長孫無忌許敬宗十三人三品丞郎唐  
儉妻晦李大亮虞世南杜正倫姚思廉褚亮薛收馬載段綸張  
復徧孔志亮閻立本房仁裕竇廷蘭盧貞松裴藝李珍等五十  
三人功臣大將阿史那思合達敕德素奴寶固護仁等六十四  
人

高宗乾陵乾州西北五里梁山與武后合陪塋太子二諸王三  
公主一

中宗定陵富平縣西北十五里龍泉山陪塋太子二公主五



睿宗橋陵蒲坂縣豐山陪塋太子三公主三

讓帝忠陵蒲城北十五里陪塋諸王三公主三

玄宗泰陵蒲城金粟山

肅宗建陵鄆州武符山陪塋郭子儀

尉遲敬德城滄州

唐初修滄州子城及西水關 明胡松嘗行其下見其石上有

尉遲敬德監造數字敬德傳不云有事于滄而石上云云要  
之不誣

高宗論史

顯慶中令狐德棻劉涪之撰國史許敬宗復加叙次帝恨敬宗

所記失寔命宰相升正且曰朕昔從事未央宮辟伏既過有橫  
刀伏草中者先帝歛轡却謂朕曰事發當死者數十人汝可命  
出之史臣惟叙此為寔却處俊曰先帝仁恩濟時此類非一臣  
之弟廣傑被擢供奉時有三衛悞拂御衣者悞甚先帝曰左右  
無御史我不罪汝帝曰此史臣慮載虜俊乃表左史李仁寔刪  
整偽辭會仁寔死而止

### 木葉遼陽

沈佺期詩九月寒砧催木葉十年征戍憶遼陽木葉地名或曰  
下葉亦地名按遼史歲幸木葉山則非下葉也

### 花黃果黃

槐花黃舉子忙 枇杷黃醫者忙  
橘子黃醫者藏 續首藏

章懷太子墓

武后忌太子廢為庶人徙巴州使呂神通逼令自殺墓銘曰  
斯一指得天下凡人不能殺愛子竊帝位武后行之噫嘻賢之  
遺隧萬世之元龜

李龍遠墓

四川龍川宣撫司東南百五十里牛心山昔李龍遠墓於山側  
唐武后革命鑿斷山脈水亦如血玄宗幸蜀有老人蘇坦奏龍  
州牛心山國之祖墓今日蒙塵之禍乃則天掘鑿所致玄宗即  
命刺史修填如舊未幾誅祿山乃陞州為都督府賜錦雲麾郡

狼山都督府

高宗永徽元年立狼山都督府在今宣府良山之南地多瓦礫  
永樂初掘地者得斷碑並柱礎焉

何仙姑

何仙姑廣州增城人生而頂有六毫武后時駐雲母溪夢神人  
教之食雲母粉當輕身不死姑取餌之常往來山谷間行步如  
飛後漸辟穀語言異常武后遣使召赴闕中路復失景龍中白  
日昇天天寶九載見於麻姑佇立五雲中<sup>色</sup>大曆中又見身廣州  
小石橋今云宋時人不省所謂

賂賓王

賈賓王義烏縣東二十里塘<sup>上帳</sup>

賈王父履元任博昌令

### 女論語

宋若華著女論語十篇大抵倣論語以事宣文君母將聖時常選  
官代孔子曾大家等為淵冉推明婦道所宜女秉若昭又為傳  
申釋之

### 長生殿

臨潼縣南溫泉宮天寶六載改為華清宮其齋殿曰長生殿天  
寶元年作寔錄有事於朝元閣即齋沐此殿：南近東有明珠  
殿

程大昌雍錄曰溫泉在驪山與帝都密通自秦漢隋唐人主皆

嘗游幸惟玄宗時修蓋即建宮百司庶府皆行各有寓止自十  
月徃至歲盡乃還宮又係楊貴妃之故其奢蕩特為彰著大抵  
宮殿包果驪山一山而徠牆周徧其外觀風樓下又有夾城可  
通禁中白樂天追咎其事作歌以為後世監世喜傳誦然詩多  
不得其寔也華清宮者本太室溫泉宮也天寶六載始名華清  
而楊妃入宮以太真得幸已在三載則華清未名而妃已先幸  
今曰春寒賜浴溫清池華清池始是初承恩幸時此已誤矣而又記其  
款牋則曰七月七日長生殿華清宮固有長生殿而其地乃齋  
宿禮神之所本非寢殿帝又未嘗以七月至驪山則白歌皆不  
審也

太甲

王勃夫子廟碑華蓋西臨藏五雲於太甲晉天文志華蓋七里  
杠下九星今十六星太甲恐是六甲鄭以傳詩註

武成閣

唐初功臣皆云圖形凌烟閣河間元孝王碑與段志玄碑皆云  
圖武成閣豈凌烟閣元名武成耶見西轡集語

花鳥史

唐天寶中安祿祿取薨異者為花鳥史

李如暹

元微之新題樂府延州鎮李如暹蓬子將軍之子也嘗沒西蕃

及歸自云著法惟正歲一日許唐人沒蕃者服衣冠如通常此  
日悲不自勝遂與妻密定歸計

### 滕王元嬰

滕王元嬰高祖之子也永徽初王以驕恣不法謫置浚始王寔  
封十戶為金州刺史驕縱失度在太宗喪集官屬宴飲歌舞狎  
昵廝養廵省節內從民惜狗求置所過為害以九辟人觀其走  
避則樂城門夜閉不復有節高宗以書切責曰朕以王室親不忍  
置法今署下上考異媿王心久之遷洪州都督官屬妻美者給  
以妃召過私之審為典籤崔簡妻鄭嫚罵以覆抵元嬰面血流  
乃免元嬰漸歷旬不視事後坐法削戶及親事帳下之半謫置



澄中

杜甫詩 勝王亭子君王臺榭枕巴山萬丈丹梯尚可扳春日  
驚啼修竹裡仙家犬吠白雲間清江碧石傷心處嫩蘂濃花滿  
目斑人到於今歌出收來將此地不知還又寂寞春山路君王  
不復行古塙猶竹色虛闌自松聲鳥雀荒村暮雲霞過客情尚  
思歌吹入千騎祀寬旌王臺觀公自注中天積翠王臺遠上  
帝高居律節邇還有馮夷來擊鼓始知瀛女善吹簫紅光隱見  
青鬃窟石勢參差鳥鵲橋更有紅顏生羽翰便應黃髮老漁樵  
又浩劫因王造平臺訪古將絲雲蕭史駐文字魯公留宮闕通  
群帝乾坤到十洲人傳有笙鶴時過北山頭宋嘉泰甲子建安

蔡夢弼曰滕王元嬰調露年間任閬州刺史在閬州有亭洪州  
有閣又有碧落碑趙子標曰以魯恭比滕王必有詩文遺蹟在  
焉

譚遷曰古人湮沒多矣滕王以杜甫王勃至今著杜詩史  
宋貽珪閬州獨無少刺乎必易行政撤不惟景物增勝也

### 追貶楊素

武后追貶楊素隋詔曰朕上嘉賢佐下忠賊臣嘗欲從容於萬幾  
之暇褒貶於千載之外

### 梵勅

韶州南華寺后妃勅免差役今存勅梵書墨跡如新

曹溪通志

一

僧一行郎公張公謹之孫博覽經史武三思慕其名請結交遊  
隱隱於僧梵

玄宗見道

不物：我：不是：非：忘意非我意：得非我懷

天子別號

玄宗自稱上清弟子見華陽頌 武宗自稱承道繼玄昭明三  
光弟子南岳上真人見會昌投龍文

戒牧宰碑

彰德林縣令縣內有唐開元末明皇戒牧宰碑口勒曰朕本求

牧宰務在理人<sup>前</sup>所策試恐有遺佚<sup>裁</sup>令中書門下銓擇得卿等高  
科副朕旁求之意郡縣者國之本牧宰者政之先朕每屬意此  
官有殊餘職頃來刺史縣令多不得人致令戶口未能安業斯  
亦朕之不德所致竊寐勞想揚搜所知親加試擇卿等寔為舉  
首深副朕懷今故與卿相見卿等到任之日百姓間有不安德  
事宜一一條奏朕別知聽察佇卿政能若一任之內風化有聞  
當擢以不次有非常賞若不達朕意苟復因循亦當有非常罰  
朕此舉可謂求仁得仁何憂郡縣不理又勅曰朕聞<sup>明</sup>在下人不  
忘鑒寐庶乎當教寄存牧宰所以推擇才能親加考覈卿等各  
膺時用副朕虛求亦既得人佇聞佳政若能銳精為理聲績有

稱即當待以不次信此言之可復如其政不能舉行且有道

豈獨敗於厥躬必將坐於舉主此亦明約不得不然各宜勉之

以成名節今賜卿少物

利史七十五  
縣全四十五

各宜領取並於朝堂坐食

食吃好去又曰造己初卿賜宜領取卿等到任之任宣慰百姓

知朕憂勤是選舉三十八人有林暉為林應

縣全

彰德府志

### 宋璟薦鄭勉

開元時宰相宋璟荐儀州司馬鄭勉有才略文詞但性好異端

好是非改變若金引進則悔咎必至若長棄捐則才可惜改硃

州刺史

### 鳳水傷龍

闕元中有鳳<sup>遷</sup>龍至華陰龍墜地化清泉二道其一為鳳今傷  
流血泉色遂赤今有赤地山

談連曰龍鳳俱鱗羽之長稱神物御輦帝龍歸后鳳歸而二  
龍見傷於風宜往帝為后所制也

### 張萬歲王毛仲

唐人養馬于涇渭近及同華置八坊其地止千二百三十頃樹  
苜蓿苗歲用牧馬三千官寮無幾衣食皮毛是資不取諸官蓋  
合牧而散畜之專其事不雜以耕而太僕張萬歲王毛仲官職  
雖尊身奉帝國生長北方實歷牧事躬地撫關無點集追呼之  
擾科索之煩順天因地馬畜滋植萬歲至七十萬六千毛仲至

六十萬五千六百有奇色別為群號稱雲錦地惜不窮增置河西史贊其盛圖傳至今夫豈有他術哉法簡而專誠而不二故

此平涼府志

### 亢倉子

宜城王仕原年十八登陵城恒岳過薊門山問道于隱者元知  
運入太行山採藥經王屋穿小有洞詣太白山習隱訣躡終南  
山天寶四載詔徵京邑論校孟浩然所著有亢倉子

### 楊貴妃

楊貴妃容州普寧衛雲陵里人父維母蘇氏有異質都郎署楊  
康求為女時楊玄琰為長史又從康求為女携歸京後進入壽王

宮玄宗召為貴妃今梧州客館有楊妃井并子真記

長恨歌載玄宗避暑驪山以七月七日與貴妃並肩誓心願世  
世為夫婦天寶遺事又言帝與貴妃每至七月七日夜至華清  
宮時宴宮女皆陳瓜果乞巧皆誤也攷之史玄宗幸華清宮皆  
以十月其逆皆以二月或四月未有過夏者野史之不足信往  
往如此 五雜俎

### 聽鴉鵲聲

天寶十年帝御公<sup>寺</sup>謁新州時李泌亦以處士放逐因夜飲聞  
鴉鵲聲帝公泣下李曰此鳥人以為惡其聲可聽乃全坐客有  
不聞其聲者罰以大白中是聽之不厭



公主入道

玄宗女萬安公主

代宗女華陽公主

德宗女長安公主

憲宗女永安公主

穆宗女義昌公主  
安慶公主  
時天下觀一

千六百八十七

張九齡

唐劉夢得集言曲江為相建言放臣不宜與善地因致燕翼無  
似終為餘視近世籌疇諸小說皆因之不改之過也當徐治  
作公碑銘明書嗣子極居喪次以孝聞立身以行著陷在寇進  
不受偽官及收復兩京特制拜朝散大夫右贊善監藏器河南  
府新安尉永保先掌虎囊義方且有賢子孫矣凡見唐書世系

表九齡子極右贊善大夫性子藏器長水丞藏器子敦慶素州  
參軍敦慶子景能景能子謂嶺南觀察衙推弟鄒湖南鹽鐵判  
官謂子潛仁化令孫文嵩監東大倉自九齡至文嵩八葉之中  
仕宦不絕而夢得云々非竊語耶一時浮言聞之不加審諦輒  
形市墨世之類此者當為不少焦竑題曲江集

### 天寶迴文詩

范陽盧某母瑯琊王氏於景龍中撰天寶迴文詩凡八百一十  
二字誠具子曰吾後之後爾密記之若達大道之朝遇非常之  
主當以其圖上獻至玄宗朝東平太守始上之高適代為之表

# 安祿山反兆

安祿山城雄武扼飛狐塞王忠嗣上言祿山且亂此忠嗣之先識也時祿山以蘄為巢穴恐河東之勁兵堵之飛狐塞則兵無從入矣大同鎮志

飛狐今之黑石嶺也室大入中原惟有二門居庸直其後紫荆當其前由後必於鵝鳴由前必於飛狐

安祿山將反前數日集大將十餘人宴會甚厚滿廳施山川險易攻取剽劫之勢每人付一圖令曰從某處會洛陽有違者斬諸將承命莫敢出聲及至洛陽悉如其畫幽聞鼓吹

## 畢炕

唐平太守畢炕拒安祿山城陷獲其家唐書附其父畢構傳不

見於忠義傳溫公通鑑亦失書楊慎

李林甫詩

李林甫贈韓席侍郎詩發予秉孤直虛薄忝文昌

王維

王右丞維因其官司馬徙家汾州莊寔初人也 明萬曆間初

蘭氏築宅忽地陷得骸觀宛中有堯枕上有剔銀燈詞乃右

丞父闢泥金喜作也邑人李無言倡初上同志歛鏤改曆 舞元

春嶽歸堂集

成化間北京大內厚載門有丹漆巨槌以支北扉久矣槌偶墮  
地破乃縣竹也中藏卷三其一王右丞圖山水呈御覽明日賜

太監黃賜用細練高尺二寸長四尺奇前後周完末正書曰王維製

### 端正樹

玄宗發馬冤全扶風道上有石楠樹圍：愛玩久之呼為端正樹。孫景安征塗託馬冤人名於此築城以避難未詳何代人。姚萇時扶風王駢以教人保馬冤故城。興平縣南二十五里有楊妃塚又有馬冤故城馬冤驛馬冤泉楊妃塚前有土如粉人謂之楊妃粉。

### 金帶楠

玄宗幸蜀偶值村婦解金帶賜之至今名其地金帶楠 明喻

時詩村婦是何人贏得天子帶還似愛玉奴不恤中原害

內臣妻

高力士妻 氏 李輔國妻吏部侍郎元希聲姪女又內侍妻  
王氏墓誌王孟諸撰

于闐國王勝

肅宗時于闐國王勝入朝緣國子弟惟身留宿衛三十年生子  
銳曜上書以國還銳天子遣之勝止不遣

南霽雲

貴州多祠南霽雲名曰黑神或曰霽雲死為神主南嶽故南人  
祀之子承嗣清江郡太守多善政今思州隋清江也 然

于休烈

于休烈爲太常少卿兼脩國史於時經大盜後史籍燔闕休烈  
奏國史寶錄等書二千八百篇藏興慶宮焚蕩皆盡請下御史  
覈史館所由求府縣有得者許上送官一書進官一資一篇續  
一匹九數日止獲一二有常述以其家藏國史百二十篇上獻

孝經

孝經開元中刪闡門一章以劉炆僞之也朱文公定孝經收小  
星戰兢一章

佛經

隋大業時佛經六千一百九十八卷唐開元時五千四十八卷

宋應熊初增新經九千五百卷

春秋

趙啖曰春秋明白如日月簡易如天地

寒食

開元初勅寒食上墓近代墓祭蓋出於此

邯鄲夢

邯鄲呂仙祠爲攀龍記云據枕中記開元中呂翁經邯鄲道中投蘆生枕而呂純陽或云生於德宗貞元戊寅或云文宗開成始舉進士時長安相距遠甚祠中乃像鍾離翁泊純陽爲非是或又謂蘆之炊黍臥枕之夢與純陽炊黃粱未熟之夢相似本



一事也訛而為二然亦不可致矣

八閩齋會石幢

歸德唐之宋州也有八閩齋會報記德石幢顏真卿書在故關元  
元奇中會昌間寺廢因毀幢之半後刺史崔倬募刻之幢形八  
面頂如覆釜其記宋州刺史為河東節度田神功達神功救李  
岑解宋州之圍也

常應物

常燕州少以三衛郎事玄宗豪縱不羈玄宗崩始折節讀書  
故其逢楊開府詩少事武皇帝亡賴持恩私身作里中橫家藏  
亡命兒朝持樽蒲局莫竊東隣姬司隸不敢捕立在白玉墀一

字多不識飲酒肆頑癡 歸子蒼

元結

元魯山：居阻水絕食而死 王元之小畜集

杜甫詩籤

射洪陸使君廟以杜詩為籤極靈 陸勝渭南集

蜀人以釜為鐙杜詩荊扉生蔓州土銍冷陳煙

花卿

杜子美贈花卿詩錦城絲管日紛紛半入江風半入雲此曲祇應天上有人間那得幾回聞趙子櫟曰古歌載林鐘宮小調入破第二云錦庭然管曉紛紛半入靈山半入雲此曲多應天下

有人間能得幾回聞  
按花卿名敬定劍南節度崔光遠之末將  
也黃山谷曰楊叔明為余言花卿塚在丹棱之東館鎮至今有  
英氣血食其卿見封為忠應公

### 王母鳥

杜子美却壇歌子規夜啼山竹裂王母臺下雲旂翻  
宋中官陳彥和在宣和間嘗禽苑言蜀中貢王母鳥狀如燕  
紺色翠尾甚長飛則尾開鸞鳥如兩旗

### 小寒食

小寒食見杜詩

### 李伯禽

貞元五年李白子伯禽為嘉興乍浦下場雜監官侮慢神廟以  
死 太平廣記

蔡泌

晉江蔡泌貞元中進士按歐陽詹登第為闕破荒蓋偽韓文公  
歐陽生哀詞而舊志載泌先歐登第未知何年 闕書

私白

唐時諸道進私白闕中為威杜宣猷未為福建觀察使每寒食  
遣吏分發其先塋時謂宣猷為勅賜墓戶私白者闕見也

僧懷濟

福建僧懷濟有上陳州刺史詩二首家在闕中東復東其中歲

歲有花紅如今不在花紅處花在舊時紅處紅家在關中西復  
西其中歲有鶯啼如今不在鶯啼處鶯在舊時啼處啼此詩  
似竹枝詞類今吳歌然却有三首之旨

### 韓家莊

吏侍鉅鹿耿裕考韓文公家莊在懷慶府孟縣西十里孟今唐  
河陽故城在孟縣南十八里唐末廢河陽置孟縣國初因之為  
孟縣公寔河陽人生有歸河陽省墳墓之文沒亦葬於是皇甫  
湜撰公墓碑云歸河陽韓氏先堂則公為河陽人本無疑者不  
以訛為南陽人蓋南字即何字之誤抄錄者之過也公集中言  
河陽者不一竟無一語及南陽公豈忘本耶又縣東有韓莊韓

相塚則公世居於是而去他何也

修武縣東北三十里曰南陽縣韓文公之故里也居人呼其地曰韓庄又曰韓村愈自上世居此按李翱為愈作行狀曰昌黎人而愈亦嘗自稱昌黎皇甫湜為愈作墓志銘不言鄉里李白作愈父仲卿去思碑曰南陽人嗣後劉煦舊唐書列傳亦曰昌黎人蓋本諸行狀而歐宋新唐書乃增曰鄧州南陽人蓋本諸去思碑而誤加鄧州二字也昌黎右韓氏通稱如李必曰隴西崔必曰博陵孫必曰樂安耳今修武之韓庄有愈墓存焉則愈之為修武人明矣河南通志

永平府昌黎縣西五里韓愈高祖以上墓也自其曾祖泰仕曹

州司馬因家於河南子孫不復在此 永平府志

### 大顚

韓退之問大顚師春秋義何大顚提數珠示之曰晝夜一百八  
退之惘然問首座曰和尚言晝夜一百八意者如何首座叩齒  
而已他日復見大顚問曰晝夜一百八意者何如師亦叩齒於  
是退之自喜曰今知佛法無二道也時大顚即召首座問信然  
即杖而逐之潯陽照禪師偈曰解展机鋒是大顚明知不是小  
因緣一般叩齒叢林果出險韓公始得聞 該遠曰此僧家假  
托昌黎并誣大顚也昌黎問年如吾輩平常寒溫非問佛法也  
在大顚自<sup>上</sup>寔告正不必作如許伎倆若概如<sup>此</sup>斯則名師之前指

不得一閑語矣且昌黎篤寔人果有此答伊且笑而置之叩首  
座何為

### 韓木

潮州無橡木韓文公植橡于韓山移而種之他山不橡也土人名橡  
曰韓木郭子章粵草

### 退之像

晏公嘗於昌黎見韓退之像與歐陽永叔絕類故目永叔為韓  
公再來

### 茶仙

杜牧之詩誰知病太守猶得作茶仙京滁州僧永建茶仙亭



綠野堂

裴晉公綠野堂乃李彝年故第後傳至王旦不取張齊賢市之

陽城驛

商州南山陽城驛元顏賡江陵過之不忍呼其締政為避賢卸  
白樂天在翰林聞而知之又見在紫微富水驛注富水驛舊名  
與陽諫議同王元之集

孫樵家僮

孫樵家僮犀角鴈兒見祭高諫議文

白雪樓五客

鍾祥縣石城下白雪樓下臨江李昉守和時盡五禽壁間鶴曰

仙客孔雀曰南客鸚鵡曰西客鸞鶴曰靈客白鶴曰閑客

### 釋道英

釋道英戒德克全名振天下住寺在布政坊咸亨中見兎物寺主慧簡嘗曰曉見二人不曉以入英院馬簡恠而問之英曰向者秦莊襄王使<sub>唐</sub>傳語饋甚久以師大慈欲望排食并從者三百人勿辭勞也吾以報云後日曉具饌可來專相候耳簡聞言以酒助之及期果來侍從甚嚴坐食倉皇謂英曰弟子不食八十年矣英問其故答曰吾戒東周絕姬嗣或責以功德惟以救宥矜恤惻獨塞之終為未補福少罪多受對未畢今此一餐更四十年方復得食因歷指座上云此是白起王翦為殺害多罪

報未終又云此陳軫以虛詐故

英曰王何不從人索食

而甘虛腹此奚可忍乎王曰慈心人少吾緣貴人不可妄行崇禍所以然也棄去謂英曰甚感傷貴厭飫弟子有少物即送相憤城東通化門外火塚銳上而高大吾棲神之所世人不知妄云呂不韋塚耳英曰往遭赤眉圍發有何物來曰賊取不得曰筍道昨發丘中即出家人無用物必勿將來言訖長揖而去

### 董召南故里

壽州安豐鄉古屬縣唐董生召南故里其地多陂池好田物產饒故若輩若籍說董生猶能傳其行事

房山縣南十里石棧村有唐詩人賈島墓又景州西南五十里  
賈島村一曰賈島峪

吐蕃

唐憲宗時吐蕃使其中書令高駢心見攻燉煌刺史周鼎嬰城  
固守鼎請救回鶻踰年不至都知兵馬閹朝殺鼎自領州事守  
城者八年出綾一段換麥一斗存者甚衆朝喜曰可以死守又  
二年糧械皆盡登城呼曰如毋他徙境請以城降駢心見許諾  
於是出降自攻城至是十一年州人皆改服臣虜歲時祀祖父  
衣中國之服踴躍而藏之

穆宗時遣大理卿劉文昇出使吐蕃道成紀武川以至龍支城

蒼老千人拜且泣問天子安在言頃從軍戰沒于此今子孫未  
忘唐服朝廷念之乎兵何日來言已皆嗚咽問之靈州之人  
也

### 石經

文宗太和七年石刻九經并孝經論語爾雅共一百五十九卷  
字樣四十卷開成二年告成今在西安文廟碑園中

### 門塹

唐盛時京師開遠門外立塹云去西營西九十九里以示戎  
人不為萬里行

### 偽書

白樂天先有秦中吟及百部判皆為書肆市賣題其卷云白才  
子文章後輩好偽作金詩傳流諸處自到會稽已有人寫宮詞  
百篇及雜詩兩卷皆云是金所撰及手勅聽無一篇是者

樂天於翰林中書取書詔批荅詞等撰為程式禁中號曰白模  
範自新入學士求請寶重過於六典也 以上俱元微之詩自注

### 甲門

近世不以勲勞之貴為令族而以尚虛澤李為甲門見元慎送  
王師範詩注

### 度外星辰

交廣間南極侵高北極侵低圓規度外星辰至衆大如五曜者

數十皆不在星經元九長慶集詩注

錢塘公館詩

龍溪周匡物錢塘公館詩萬里茫茫天塹遠秦皇底事不安橋  
錢塘江口無錢過又阻西風兩信潮按施肩吾亦有此詩天塹  
茫茫連沃焦秦皇何事不安橋錢塘渡口無錢仙已失西風兩  
信潮

六詔

蒙嶷詔趙詔祈詔浪宵詔鄧賡詔施浪詔蒙舍詔

星命

李虛中最高深於五行書韓文公志其墓

命書本於都利李斯經都利蓋都賴也西域康居城當都賴水上則今所傳李斯經著婆羅門術也李斯乾寔婆羅門後士而羅埃計都亦胡梵之語

執革卦影

執革卦影見宋類苑今術家畫休咎或龜或鸛鵲啣出以爲驗

崔薦

予於粵西見唐李給事撰崇陽鄭府君夫人傳陳崔氏墓志銘云夫人四德兼備六親雍和母儀內則勅諄可思禮行詩誦進止成法以大中九年正終於淇澳年七十有六子六人頊頌璿玗璿琬皆名有位其志瘞土久矣成化間畊者得諸廢塚繫之



鄭氏為中書省案石又若干年而魏縣令愛其迹置之邑治陳  
仲醇又以其文刻之古文錄曰崔氏一辱於元徽之會真記再  
辱於伶工戲狎褻侮越千百載而後為崔氏一洗冰玉之恥然  
予竊崔氏未嫁失身于元惡有冰玉可洗其後見三水續志云  
崔雙文美麗絕世才德輸人元稹以中表親相逢逐旅挑之固  
拒不從稹以投梭之恨偽為會真記自撰往來問答書以辱崔  
氏其後居位論者及此事於章疏此足信哉稹與樂齊天名稱元  
白居易始終以直道與天子爭可否而稹附離權勢排陷裴度  
諸君子阻撓蔡功其後微俸得相名望灌然彼固傾陷士不難  
于誘諸君子而難于辱一婦人乎會真記文絕佳而風流事又為

人喜談樂道孰為洗之所嗟千古以來正士之被傾賢女之被  
妬者不少矣焉時可概談

元徽之狂醉詩一自栢臺為御史二年事負兩京春曉亭今日  
顛狂醉舞引紅娘亂打人

### 薛濤井

成都府錦江南岸舊名玉女泮水極清冽今入蜀王邸內環以  
欄楯人不敢汲專備製箋之用歲三月三日汲水造箋二十四  
幅入貢止四幅餘留藩郡以觀時貴今皆他日逸未必三月三  
日也市肆間絕無貿者

### 唐曾因墓志銘

君姓曹名因字鄰夫世為鄴陽人祖父皆仕高祖朝唯君三舉  
不第安命樂道縵墨自守及卒於長安道朝士里人無不歎  
予獨不熱慰其母曰百畝足養百卷足遺縱浪大化博戲小兒  
生死聚散萬古常耳何足掛靈府哉予聞大君室也歸君八  
歲遇至義為故贈之銘曰其生也天其死也天達人觀哀復何  
言

陷虜子孫

肅宗初召邊兵赴難吐蕃因陷河西隴右華人百萬皆陷於虜  
文宗時嘗遣使至西域甘涼瓜州等州人夾道迎泣曰皇帝猶  
念陷蕃人民否其人皆天寶陷虜者子孫其語言猶愛而衣服

猶不改

呂岩

呂岩蒲州永樂縣人會昌中再舉進士不第遇鍾離子得道河東呂陽曰岩謂之孫海州刺史讓之子咸通中擢進士第

東都九老會

前懷州司馬安定胡杲年八十九 衛尉卿致仕馮翊吉收年八十八 前磁州刺史廣平劉真年八十七 前龍武軍長史榮陽鄭據年八十五 前侍御史內供奉官范陽盧真年八十三 前永州刺史滑河張渾年七十七 刑部尚書致仕白居易年七十四 秘書丞兼撰河南尹盧貞以年未七十雖與會

而不及列會昌五年三月二十四日會東都履道坊各賦七言  
四韵詩一章

麒麟草

元和時館閣湯飲博學士者煎麒麟草

旱藕

大曆中高郵民張存以踏藕為業嘗於坡中見旱藕大如臂極  
力掘之深二丈大至合抱似不可窮乃斷之中得一劍長二尺  
色青無刃存不實郡人有知者以束薪易獲其藕無餘  
揚州志

石孝忠

石孝忠者長韓親間有膂力少時偷鷄狗州里苦之後折節事

李愬前驅元和<sub>中</sub>天子用裴丞相征蔡愬與光顏重價皆受丞相  
當制明年蔡平刑部侍郎韓愈撰碑專歸功丞相孝忠見其文  
大恚愬因作力推其碑吏不能止及執詣節度使命<sub>其</sub>獄將覲  
之碑下孝忠度必死乃泮臥地若不勝按脇狀吏就詰之孝忠  
因墮用柳尾拉殺之上聞之使送闕下及至問曰汝推碑殺吏  
為何對曰臣死不足塞責今得而天顏一言亦族無憾臣事李  
愬歲久平蔡之日臣在軍前吳秀琳蔡之奸賊愬降之李佑蔡  
之驍將愬擒之臣牙脫落而元濟傳令刻石紀功盡歸丞相而  
愬名第與光顏重<sub>龍</sub>齒愬固無言不韋更有一淮西其將如愬  
者復肯為陛下用手賞不當功罰不如罪非陛下所以勸人也

臣惟推碑能推明愬情亦將為陛下正賞罰之源臣不推碑無以為史據臣不敘史無以見陛下臣死不容時矣請就刑帝既得淮西本末且多其義遂赦之因命曰忠烈復召殿學士撰碑如孝忠語 羅應集

### 舉直禪師

舉直禪師懿宗手傳宗弟叔錫游楊州以太平倉地請於朝廷建鎮國禪院居之仍賜錫舉直後塋于院臨主浮屠五級元豐末發藏及隄得函柩全骨不解脫若錫鎖做見舍利發異光人驚異之 揚州志

### 申包胥廟悞

劉蛻在江陵易伍子胥廟曰申包胥之廟求於潛梅俞聖在蜀  
毀節艾之祠更祠諸葛武侯

### 聖米

僖宗乾符六年二月秦州笄川四縣生聖米大如芡寔

### 普聞禪師

邵武軍龍湖普聞禪師僖宗太子也幼不茹葷長無經世意僖  
宗鍾愛之然百計陶寫終不能回中和初僖宗幸蜀師斷髮逃  
遊人無知者造石霜問道言下頓有辭去至邵武城外見山巒  
照深秀遂據草堂烟起處有一苦行居焉苦行見師至乃曰上  
公當與此長揖而去師居十餘年一日有老人拜謁師問何住



至此何求。若人曰：非人能也。住在此山行職上，天有罰當死。顧  
垂救護。師曰：得罪於帝，我何能力？雖然，可易形以求倖。失若人  
所在，視坐旁有小蛇，迺緣入袖。至暮雷電震山，風雨交作。師危  
坐不傾。達旦晴霽，垂袖蛇墮地，去有頃。若人拜泣曰：自非大士  
慈悲，腥穢此山矣。今何以報？即穴岩下古泉為他日多衆之設。  
當日龍鵬入闢其事，施舍財力，相與建寺。衲子雲遊，師闡化三  
十餘年，臨寂，聲偈而逝。塔于本山，謚負覺禪師。五燈會元。

考唐史：僖宗年二十有七而崩。其年蜀之年方二十一，安得有  
子長無經世意，又能斷髮遠遁者？或唐諸王孫借太子之名求  
家耶？

林慎思續孟子

林慎思字度中長樂人自校書郎至水部郎中萬年縣令黃巢  
寇長安迫以偽祿不屈罵賊死慎思謂孟<sub>子</sub>七篇非其所著書而  
弟子所記不能盡孟子意因傳其說演而續之作續孟子又有  
神家子書

羅隱

唐末羅隱乞食晉江縣羅蒙山下<sub>山下</sub>人侮之隱乃畫馬面石每夜  
出食人未遑之則見馬復入石山下人乃禮焉隱乃畫<sub>三匹</sub>楮馬  
馬不出矣今其跡瞭然好事者力鐫深刻欲與匹類不久漫滅  
也又晉江縣石壁山石刻潭尾二如畫馬石蹟亦傳

莆田縣大埕山南至崎頭二里許有羅隱廟故老云昔海中浮  
大木數百盡鰲羅字卿人獲而鑿之通鑿通明相顧驚異數日  
見一人執冠黃袍屹立山下曰我羅仙也行來居此言訖不見  
卿人立廟南唐封光澤王海商祈風分帆南北閩書

奏冠耳而

奏被

幽州節度使張仲武與北部落及諸山與除舊宴王隱即所管  
外殺僇者領丁壯老幼并殺擄牛羊熬燒車帳器械等計二十  
萬刺史以下面皮一百具耳二百隻李商隱代作表

楊筠松

唐末楊筠松興僕都監俱詣隱陽羅司天監黃巢亂時楊筠松筠松

書中禁術及僕自長安走贛州寧都懷德鄉以其術傳里人廖氏

皮日休

廣明末皮日休避難徙會稽依錢氏官太常博士子元業事吳越拜相見尹師魯皮子良墓志 唐書日休以著作佐郎出東閣貶賊以識文被害恨甚 陸游老學庵筆記

香奩集托名

香奩集和擬作托名韓偓

孤魂及第

唐末詔錄名士方干等賜孤魂及第

# 乾陵

溫韜編發諸陵惟乾陵風雨不可發此事至今猶然絕不可解  
于慎行雜記曰嘉靖戊申先君作吏龐右道出乾州其土人言  
過武則天陵不可指議如有發鐫輒以雷雨報之先君勿信為  
一詩歎之云：出門正晴行不數里雷雨大作無可依泊得道  
旁卻舍中冓滿中不得已一駐車焉仲兄無妄年甫十七再過  
其為賦一詩歎之其詞不記行之道中亦遭風雨千年瘴瘴猶  
能作腥臊氣豈別是一種妖視死而不能忘者耶

## 塚鬼上書

高軒發古塚取紙覓成都羅城鬼趙希現形上書曰趙大之冤

擣膚入夢良夫之狂披髮叫天有怒髯仇無道則易流於往史  
載在前文益一介游視九象因象德不勝事情不勝人無廟貌  
于世界遂洒沉于泉壤自家天譴便掌冥司伏審渤海高公令  
君毀香壇闢蒲居冥府天賜佳城平生無戰伐之仇解后起蘇  
夷之囂得不撫銘而憤志託孤翰以伸懷伏希瑞公俯念無  
依回靈有鑒時於萬堦免此一抔倘全馬鬣之封敢忘龍頭之  
庇

朱葆光

南陽朱葆光以朱全忠篡唐興唐舊臣顏荅孝意數輩挈家南  
渡寓漳州每正旦冬至必序南岳廟南望拜慟殆二十年

通關米

唐末孫儒之亂斗米四十千金玉易換僅得撮合銷之通關米  
至于金玉換通關米而不可得南楚新聞

如京使

梁改太倉使曰如京使取曹孫之度如坎如京也

康王重瞳

梁末全忠子友敬目重瞳

契丹辨璽

石晉出帝重寶降契丹德光上表獻玉璽金印契丹得璽以為  
製作非工與前史所傳若異命延煦等還報求真璽出帝以狀

荅曰頃王從珂自焚於洛陽王璽不知所在疑已焚之先帝受命王璽製此璽在位諸臣皆知之而已

### 孫命

唐末左拾遺奉化孫卽遭朱溫篡唐著春秋無賢人卜世論卽脫冠服：布衣以終著書紀年志用甲子

### 內黃

梁太祖幸河北至內黃問李璡曰何謂內黃璡曰河南有外黃下黃故此名內黃太祖曰外黃下黃何在璡曰秦有都尉理外黃其故壩在今雞丘下黃爲高齊所廢在今陳留太祖平生不愛儒者聞璡語大喜



李崇禮

唐莊宗弟名崇禮封薛王僖郭崇勳之勳臣名避難樂延安山水渚居焉結廬玩口盤餐金以賑貧之病華出封誥示人始知其出唐宗溥庶中卿人祀之廟曰永履

王審知

閩王王審知以五月五日死閩中以五月四日作節

福州府志

按五代史審知以十二月死非五月也

王審知墓在蓮花峰下宣德四年盜發獲金珠亡算有司仍復修治

王延鈞母家

惠安縣南靈秀山間王王延鈞母家在焉母黃姓審知聘女為  
妃及延鈞僭號追崇曰后龍徽二年十一月癸丑延鈞來謁黃  
次家廟次日晚起問黃家人曰夜來憲風勢：瓦霜積：地如  
斯時暫平常亦有光容者對曰慈地濱海遇秋之日如城郭之  
冬也延鈞乃命沿海居民屋瓦悉得黏土泉屋黏土始自王延  
鈞 明王世懋聞卽疏云漳泉間燒瓦皆黃色郡人以海風飛  
瓦委請用筒瓦民居皆儼然如黃屋行卽使者徒聞之隸人與  
卒何以得其土風故寔耶又江右鍾允復初登第夢作一縣  
中多是黃瓦不知何祥也尋陞晉江令 閩書

劉隱祖

劉隱祖安仁上蔡人也後徙閩中商賈南海因家焉父謙為廣

州牙將隱三子曰隱

居

龔知是故寓居而安也

龔音

詹敦仁有

復劉從初閩龔詩伏羲初畫卦蒼氏乃製字點畫有偏傍陰陽

音協比古者不嫌名周人始稱諱猶未曉後習轉多忌或援他

代易或爰文迴避濫觴久滋蔓傷心日益熾徐休輪子名吳國

尊王意靈簡憲昇僻雖最竊笑異母後煙已非時亦迹舊事觀

杰自其蜀閩是其二都故仇聲名陋矣趙黼義大唐有天下

武后擁神器私制定無取右音寔相類車康回因星麻忘丙堅

屋

坐園及歷歲作史難詳備辱祚值傾危劉龔懷僭偏吁嗟毒蛟

輩睥睨飛龍輩龔儼雖同音形体殊乖致廢學媿未弘未聞

不彙奇字難雄情拙文伏韓智因誦鄙所聞敢布諸下吏

### 吳越改元

歐陽修作五代史謂吳越儀衛名稱多如天子惟不改元至著十國世家云闕之故老云嘗稱帝改元而事無可攷獨得其封落星石為寶石山制書稱寶正六年辛卯耳按辛卯即唐明宗長興二年又至正中海鹽古墓有志碑為吳越將許俊志稱寶正二年又寶泰元年羅隱新城縣記癸未歲癸未乃唐莊宗元年以此見吳越之改元審矣董穀碧里雜存

宋時王順伯收臨安府古碑有尸屋崇化寺幢題天寶四年明慶寺題天寶五年九里松觀音寺幢勝幢題寶大二年木月寺幢

題寶正元年招賢寺幢題寶正二年小明慶金牛瑪瑙等九幢  
皆題寶正貢院橋柱寶正六年至武肅王堯遺命去國儀用藩  
鎮法臣事中國然天寶則大寶正三名皆僭號也田汝成西州志

### 吳越備史

吳越備史錢氏諱佐故以左為上凡官名左字者悉改為上此  
書所謂上右者乃左右也陸時暉

錢武肅王諱石榴為金櫻茄子為落藕

### 吳越貢道

吳越王錢氏貢中國由海上達蓬萊九三千里

### 南唐程式

廬江伍喬舉進士第一命勅喬經文於

以爲永式

南唐劉仁瞻像

宋王旌時金陵昇元寺見房壁有繪金紫大夫像上題詩曰陣  
前金牌生解無魏鼓下妻奴死餘羞三尺生綃暗塵土凜然霜鶴  
欲橫秋旌不能解捲画歸示其父平甫曰此劉仁瞻像秦世彬  
詩也 漁隱某語

孟賓

唐末孟賓詩那堪兩後更聞信絕重湖 路十千憶昔故園楊柳  
岸全家送上渡頭船見王元之小畜集

胡瞻階房記

歐陽修五代史述同州鄧陽令胡嶠為連蕭翰掌書記隨入其  
國當周廣順二年出歸道其所見云自幽州入居庸關明日又  
西北入石門關之路峽狹一夫可以當百此中國控扼契丹之  
險也又三日至可汗州南望五臺山其峯最高者東臺也又三  
日至新武州西北行五十里難高山明日入永定關唐故關也  
又四日至歸化州又二日登天廟四望冥然黃雲白草不可窮  
極同行者慟哭欲絕明日再行所見多奇異草木迂徐數月乃  
至榆關至儒州又皆漠地矣嶠所云則數州往還程計甚多  
以今考之武州即為歸化儒州偏近可汗地自古俱為百里不  
出二百里間而嶠云々蓋來自異域出奇談以誇示中國耳傳

洽如文忠顧輕信之耶夫國廣順去去石敦瑋時順近而汴都去  
居屬亦止二十餘里乃所傳閭閻已如此况南宋去仁宗之時  
武夷西陲之地視此更加億統無恠蔡沈書傳有烏鼠山之誤  
也嗚呼中國之士一淪異域中國人遂視為大宛于闐則九胡  
元時海外必特款我中國而我 聖祖重開乾坤之功誠萬世  
所當得思亡 宣府鎮志

### 喬允陸執

喬允陸執漢人仕國高殿侍東三班宋祖受禪自宣祐門入守  
者拒勿納乃自 門入既即位召宣祐門守者皆自殺太祖大  
驚遂赦之得不死者二人詢之乃喬陸也改班長人以青紅二



色帛為絹飾二人既出復自旋太祖義之立祠祀之南渡渡立  
廟于杭州杭州府志

宋初藏書

宋初無為軍一道士多書如唐人文集無不脩又淳層懸遠收  
古人簡牘宋初自開國至崇觀間凡各臣各高僧筆跡無不備

崇世宗二子

崇世宗二幼子宋太祖分賜功臣潘美尚書盧錡各子之俱冒  
其姓為元成集

孟景男

蜀王孟景降宋入朝舟過眉州溪渡一宮嬪有孕景出之祝曰

若生男孟氏尚存後果生男

### 樊若水

南唐樊若水北走宋江南知其獻南征策或請誅其母妻李煜不敢但竊至池州其後若水自陳母妻難江南朝廷命煜護送厚遣之

### 王彥昇餓死

王彥昇字光烈蜀人徙居長安工擊劍為軍校以推戴太祖當受禪時太祖惡其專殺轉通止授原州都巡檢彥昇驚猛番夷或犯法人有不愜意者自傳其首齧食其耳然番夷震懼莫敢犯後餓死昨京

# 宋制

禁中屬分事付外謂之內批又謂之御筆皆內夫人代筆而所謂御寶批者或上批或內夫人批皆用御寶惟親筆則上親書押字不必用寶宋制惟兩府得賜金魚佩魚謂之重金

宋科目惟進士及九經五經開元禮三史三禮三傳學究明經明法諸歲舉為常然諸科賜第者後復應進士舉則進士尤重也攷建隆初禮部設進士及諸科皆秋解冬進禮部春考試合格及第者列名放榜于尚書省不第者仍候秋解九進士試詩賦論各一首策五道論語十帖對春秋或禮記墨義十條九九經帖書一百二十條對墨義六十條九五經帖書八十帖對墨義

五十條九三禮對墨義九十條九三傳一百一十條九開元禮  
九三史各對三首條九學究毛詩對墨義五十條論語十條爾  
雅孝經各十條周禮尚書各二十五條九明法律令四十條五  
經并用毛詩之制各開經引試通六為合格諸州以判官試進  
士錄事參軍試諸科試諸科見任官甄領廳試所屬先以名聞  
得旨解元既試惟初試者許帶切韻玉篇而楷版籍索書  
行嚴互保連坐之法挾書授口有禁不稱恩師門生則通諸科  
皆料先是將赴貢院臺閣近臣得荐所知名曰公荐於德初蔡  
之覆試殿試省試之八月皆始于開寶中殿試加論一首而  
以三題為準榜分三甲皆始于太平興國間嘉祐二年興殿試

者始免斥落治平間始定三年一開科神宗始罷諸科併于進士熙寧三年始頒經義取士而殿<sup>試</sup>專策分五甲焉後以九貢于御而詎于禮部或廷試不錄者積舉數而參以年臨軒日得別籍名以奏徑許附試謂之特奏名學校則內舍生間歲一試補上舍上舍生積校已優舍試又入優等謂之兩優釋褐中選者即命以京秩除學官元豐中元舍法上舍得免秋解重和元年始有武舉之科宣和中推行元豐舍法於諸路於是縣有免解進士未幾廢南渡以後科目互為變更然其取人不過經義論策詩賦而已紹熙元年又有宗子正奏附進士之選

張岳忠安縣志云余觀宋場屋習之變改其是非得失與國相

或來自嘉祐至開寶士氣淳厚中間文体雖早弱險怪然無敗  
為私學曲說以亂之若平熙寧以後乃有國是說倡于新法和  
于紹述蔓于和議而極于偽學學士有一言不合國是者則指  
以為恠安斥逐禁錮無餘力於時薦進之士莫不翕然從之而  
宋國事亦且變而南渡變而臣虜變而之閭之廣不可為矣惟  
原其故士大夫爭私意其尚學術不明人心盡懷其禍乃至此  
極豈非後來永鑒耶

宋制賜進士第命中書行詞其書勅卿貢進士姓甚則南有第  
一人也

宋制大比之歲每州皆有貢院郡州士子皆得入試

留鎮賜第

宋初華五季之患召諸鎮節度會于京師賜第留之分命朝臣  
出外列郡觀權知軍事軍謂兵州謂民也

曹彬救鍾倩

曹彬為周太祖張貴妃從子世掌內職其克南唐學士鍾倩朝  
服坐於家彬兵及門舉族無遺

改姓

陶穀原姓唐因避石晉諱而改真德秀原姓慎因避孝宗諱而  
改五鼎短

水灌太原

太祖攻北漢引汾水浸太原城水自城門入有積草自城中  
出塞之會暑雨軍士多疾乃班師王師已去繼元決城下水涇  
之壑殆澤水已落而城多摧圯契丹使者弗知墻時在太原歎  
曰王師之引水決城也知其一而不知其二若知先浸而後涸  
則升人無類矣

### 土田世姓

楊走略初名延朗延廣初名文廣以三世復有文廣故諱之今  
播州宣慰因楊氏之祖

開寶中宋景陽以軍功累官節度使平定西南夷詔就大萬谷  
諸開總管府夷人安之遂世爵其地歷十四世曰阿重始仕元



改順元等虜軍民府宣撫使開治于貴州又三世曰欽官至昭  
勇大將軍順元等虜都元帥 明初內附拜貴州宣慰司世馬  
殿記

### 定七夕

太宗太平興國二年七月詔七夕嘉會著於金甲今之習俗多  
用六日非舊制也宜復用七日且名爲七夕而用亦不知自何  
時以熟唐世無此說必出于五代耳 洪邁容齋三筆

### 戟門

建隆間始立戟稱戟門

卿墨

唐宋明經帖書墨義許公呂英簡應本州鄉舉試卷墨義十餘  
條如云作者七人矣請以七人之名對則對七人某也謹對  
有云見有禮於其君者如孝子之養父母也請以下文對則對  
云下文曰見無禮於其君者如鷹鷂之逐鳥雀也謹對有云請  
以註疏對者則對云註疏云云謹對有不能記憶者則只云對  
未審其上則其考官批鑒如所對善則批一通字所對悞及未  
未審者則批一不字見東陽呂氏家塾刊本

王禹偁與馮伏書

禹偁

續唐史見陸忠州之在相位也  
堵牟李吉甫不容于朝及有

南賓之賄而吉甫方為刺史辭之門人故吏亦皆危之泊到賊  
所而吉甫待之頗厚有廢條見宰相權又贊皇公秉鈞也排逐  
牛僧孺有衡州之謫及德裕南遷奇章公量移在汝贊皇路由  
此郡而僧孺接之情禮甚至為道南方風土之宜殊不以向之  
嫌隙為意賢哉二君子之操心也如是豈古之所謂以德報怨者  
耶為侮向以葢微即兼廷尉事亦嘗議闕下之過今有商於之  
命而親友間柱：相嗜絃以闕下通理是郡也為侮則獨以為  
不慈且夫以怨報怨皆私事也故雖睚眦必報矣今為侮於闕  
下議刑公事也闕下豈以為怨乎雖為侮之名位才業望忠州  
贊皇也遠矣而闕下讀書為文立身行事豈不知吉甫僧孺之  
為人乎望闕下觀古人之行敦同年之契窮愁之中少假氣餒

則遷客之幸也 為傳頌首

### 李煜被禍

李煜歸朝為左散騎常侍遷給事中太宗一日問徐鉉曾見李煜否鉉對臣安敢私見之上曰卿第往但言朕令卿往相見可矣鉉遂往望門下馬但一老卒守門徐求見卒言有旨不得與人接豈可見也鉉云我乃奉旨來見老卒往報徐入立庭下久之老卒遂入取舊椅子相對鉉遙望見謂卒曰但正衙一椅足矣頃聞李煜紗帽道服而出鉉方料李主遽下階引其手以上鉉力辭賓主之禮李主曰豈有此禮徐引椅少偏乃敢坐後主相持相哭既坐默不語忽長吁歎曰當時悔殺了潘佑李平鉉

既出有旨再對詢後主何言鉅不敢隱遂有秦王賜牽肌藥之事又後主在賜第命故妓作樂聲聞于外太宗聞之大怒又傳小樓昨夜又東風及一江春水向東流句併坐之遂被禍云

### 記殘經

南臺古刹有佛書數百卷多唐季五代時所書字畫精勁歷可喜按大藏經目凡五十四百卷今所存終十一首尾可讀者又無幾也阿含經四卷泰寧軍節度使齊克讓造正法華經一卷乾符六年女弟子牛妙音書大涅槃經若經共三十卷武寧軍節度使朱友恭造友恭全忠養子李彥威也毗荼耶離事一卷德妃伊氏造唐莊宗次妃後有印華曰燕國夫人伊氏蓋未進

封時制也其餘中斷橫裂虫蝕鼠齧而敗廢腐無復完結想夫  
飄散疎籍燈燼試策補壞恒塞屋漏者又不勝其數也李昭玘

### 輕賦

吳趙錢氏賦歛無藝兩浙罹害及宋除吳趙三僭江漢臣為鎮  
海軍節度判官上十三州圖籍於有司謂仍其舊是屬其民無  
已也遂沉其籍於河坐是擯棄終身後命王方贊更定其賦以  
錢米一斗民始聊生

### 異獸

太平興國九年賓州獻一角似鹿無斑角端有肉性馴右散騎  
常侍徐鉉等驗以為麟春秋曰麋身而有角者麟也春秋感精

符曰麟一角者明海內國一主也

至和 年交趾獻麟如牛而大通身皆大鱗者有一角及之記  
傳與麟不類當時有謂之山犀者然犀不言有麟詔欲謂之麟  
則慮夷獠見欺不謂之麟則未有以質之止謂之異獸今以予  
觀殆天祿也按漢靈帝中平三年鑄天祿螭螭於平津門外注  
云天祿獸名今鄧州南陽縣北宋寶碑旁兩獸螭其膊一曰天  
祿一曰碑邪其獸有角鬣大鱗如手掌南臺曾阜為南陽令題宗  
寶碑陰云二獸膊之所刻燭製作精巧高七八尺尾鬣皆鱗甲  
莫知何象而名此也今詳其形甚類交趾所獻異獸知其必天  
祿也 夢溪筆談

嘉祐<sup>花</sup>三年六月丁卯交趾貢異獸二稱麒麟狀如牛身被甲  
鼻端有角食生荔葉必先以杖擊其角始牛食極密使田畯耕  
其非麟詔止稱異獸司馬光有賦

楊結棠

宋時楊結棠出代州攻遼耶律邪軫擒之初結棠至狼牙村心  
惡之欲避不可得既禽三日死

手舉

宋子京初敕多曰伏承手舉南人謂舉為舉因效之黃山谷

宦尼

宋初大臣家女多為尼如平章趙普女



右衛上將軍宋僊女開寶皇后妹也為比丘尼法名惠圓

### 制科

制科分五等虛一二等而以下三等取士終宋入一等五人吳育蘇轍范百祿蘇試雖入三等而為考官所厭復降四等李奎四著

### 梁灝

梁灝太宗雍熙二年廷試第一真宗景德元年以翰林學士知開封府嘉祥年四十二子圓亦進士第一至真史館年三十一宋史

俗傳梁灝年八十二登第謝教悞 諺遺曰龍溪縣志林大年

字春卿年八十二以書義再領鄉薦肅獻有云城伏生之八歲  
加太公之二年後不赴南宮郡延為州學正年九十薨矣日與  
生徒討論未見書終老于湖山

### 王昭遠

阜城王昭遠徽時里祀里神昭遠遠至有以博骸授之謂曰汝  
他日富有節鉞試擲以卜之昭遠一擲六面皆赤後歷天雄軍  
都部署知府事贈太尉謚忠和

### 王等子

宣和殿有玉等子以五色玉次第排定玉至則以等之九都陽縣  
世叔官將紀圖

## 御舉

御舉初無定制仁宗治平以後始三歲一行皆從本州發解應  
試婺州士子多而解額然三歲止解七人崇寧頒三舍法於學  
歲解七人宣和五年復科舉三歲解十四人景定二年增解額  
三十名預選者為御貢進士其在漕司應試者解額願寬士人  
往三舍御貢而廢漕牒得預選者為漕貢進士又太學三舍生  
遇科舉仍自發解預選者為國子進士此外復有隆學混試朱  
子四今日倡為混補之說多是溫福處藝之人而他州不與為  
非特數州睡轂而他州廢退也勢使之然耳蓋言解額之不均  
也時又有欲恩免解而徑上禮部者然亦上諸科赴禮部不第

則並章布而無斗祿之志 金華府志

古成之

廣州古成之居羅浮力学不倦登梁嶺榜預聞之有張甚嫉居其上召飲成之密置啞藥酒中比旦騰唱呼不能應上怒扶出或勸自明其事成之曰天命有定非人所能與也人服其量

腹兄

翰林學士李宗謨送從表兄詩呼為腹兄見弇州集不知何所傳

呂蒙正

呂大猷微時於洛龍之龍門利涉院土室中與溫仲舒讀書今

傳破塞祖此也

三至堂

陳亮佐三守廬州曰三至堂 楊洙淳化中守安慶天聖中子

為通判元豐間孫希元又守郡凡三至安慶 魏國太夫人

陳氏龍圖閣直學士從易之女內翰蘇舜之妻而丞相頌母也

從易仲頌皆嘗守杭夫人至杭即題即柱曰吾細從父至此中

興吾<sup>夫</sup>儕來今同吾見九三闕江山之勝

天子門生

賴餘王奇游京師真宗偶見其作詩召見賜第奇作詩不拜春

官為座主親逢天子作門生

同名丁謂

晉公丁謂當國急安吳謂浩然文謂俊邁不肯避其名遂作外  
終走田負外郎

葉武

邵武葉武子宏秘閣修撰嘉易學嘗曰易道莫大於時二  
義有在外之時有在我之時士君子出處須論在我之時然後  
論在外之時

寇準柘枝舞

寇萊公好柘枝舞會客必舞柘枝每舞必盡日時謂之柘枝顚  
鳳翔有一老尼猶是萊公時柘枝伎云當時尚有數十過今日

所舞柘枝此當時十不得二三老尼尚能歌其曲好事者往：傳  
之沈括